

SHALOM

 Tshebeletso, kopano ya ka ya selemo se setjha kaha re sa tswa bula. Lena ke letsholo la ka la pele la nnete ho qala ka la selemo se setjha. Oh, ke qetile masiu a mmalwa lapeng, ka ntoo theohela Fort Huachuca. Na le ka e qapodisa jwalo? Ha ke bone ka moo le ka peletang Huachuca ka H. [Sekgeo lebanteng—Mong.]

2 Ha re kgone, re ke ke ra nka mokgwa wa seipone sa morao. Seipone sa morao se mpa se hetla morao mme se sheba moo o tswang teng. Re shebile pele moo re yang teng, wa bona. Tse seng di fetile, Pauluse o itse, “Ke lebala tse kamorao, ke hahamalla pheong ya pitso e hodimo ka ho Kreste.” Mme ke seo re batlang ho se etsa. Monna, re ka sheba morao dilemo tse leshome le metso e mehlano, tse leshome le metso e tsheletseng tse fetileng, mohla ke ne ke fihla Phoenix kgetlo la pele, ho hlahile dintho tse ngata ho tloha mohlang oo, tse ntle le tse mpe, tseo tsohle di ya Kahlolong, matsohong a Modimo. Empa seo ke se shebeletseng hona jwale ke hore ke tilo etsang selemong sena se tlang, nqa ho ntlaufatsa Mmuso, ho sebetsa ho feta, hohle ho nka ho etsetsang Mmuso wa Modimo.

3 Jwale, thapama ena ke batla ho bua ka Molaetsa wa selemo se setjha Kerekeng ya Kreste, mme hosane bosiu re tla qala re rapelle bakudi. Mme re tla aba ditlankana tsa thapelo pakeng tsa... Ke kgolwa tshebeletso e qala ka supa, mashome a mararo ka mora supa, le mpe le fihle kwano ka bo tshelela kapa kotara ka morao, hape, e le ho fumana ditlankana tsa thapelo, le se sitise tshebeletso yohle.

4 Re batla ho leboha e—e botsamaisi ba mona, ba Ramada, ka ho re dumella ho fumana mohaho wona bakeng sa kopano ena, pele ho letsholo lena. Morena a ba hlohonolofatse.

5 Mme jwale ha le batla ho phetla Mangolong, moo re ttilo bala teng, ke ttilo bala ho Esaia, kgaolong ya 60, le e—e ya 2, temana ya 1 le ya 2. Le Dipesalema 62:1-8. Dipesalema 62:1-8, pele.

*Moya wa ka ke ho Modimo feela u ka bonang
phomolo: hobane poloko ya ka e tswa ho wona.*

*Ruri ke wona lefika la ka le thuso ya ka; qhobosheane
ya ka e phahameng; nke ke ka sisinyeha.*

*Le tla phehella ho isa kae ho rusolla motho? ha le tla
mo dikanel kaofela: jwale ka ha ho dikanelwa lerako
le sekameng, le motero o heletswang.*

*Ba rera ho diha, ho mo diha phahameng ya hae: ba
ithabela leshanong: ba boka ka melomo ya bona, empa
ba rohaka ka dipeleng tsa bona. Selah.*

Moya wa ka, o itshepele Modimo; hobane ditshepo ya ka e tswa ho wona.

Ke lefika la ka ruri le thuso ya ka: ke qhoboshyane ya ka; nke ke ka sisinyeha.

Poloko ya ka le kganya ya ka di dutse ho Modimo: Modimo ke lefika la ka le matla, . . . setshabelo sa ka.

Lona setjhaba, le itshepise ka wona nako tsohle; le tshollele dipelo tsa lona pel'a wona: Modimo ke setshabelo sa rona. Selah.

⁶ Ke rata ka moo Davida a e buang, “lefika.” Le a lemoha, hangata, “Modimo ke lefika la ka.” Na le a tseba lefika le bua ka’ng, ka Bibeleng? *Lefika* ke “tshenolo.”

⁷ Jwalekaha Petrose a boletse, “U Kreste, Mora Modimo o phelang.”

⁸ O itse, “U lehlohonolo, Simone, mora Jona. Mme hodima lefika lena, tshenolo ena . . .” Modimo o mo senoletse yona. “Ha se nama le madi tse u senoletseng hona, empa ke Ntate wa Ka ya Mahodimong. Hodima lefika lena, tshenolo ena, Ke tla haha Kerke ya Ka.”

⁹ Mme Davida mona o a hweletsa, “Modimo ke lefika la ka, tshenolo ya ka!”

¹⁰ Jwale kgaolong ya 60 ya Esaia, temana ya 1 le ya bo 2.

Tsoha, Jerusalema u boneswe; hobane lesedi la hao le hlahile, kganya ya JEHOVA e u tjhabetse.

Hobane, bona, . . . lefifi le kwahetse lefatshe, botsho bo apesitse ditjhaba: empa JEHOVA o tla u tjhabela, kganya ya hae e bonahale hodima hao.

¹¹ Ha re rape leng. Morena Jesu, re sa nahanisa Mantswe ana, re kena jwale ho simolla tshebeletso ena, e tle e be pokho ho Wena. Re hlohonolofatse, Ntate, re kopa ka Lebitso la Jesu. Amen.

¹² Jwale, sehlooho sa ka thapama ena ke lentswe le le leng: *Shalom*. Ka Seheberu, le bolela “kgotso.” Kgotsa, kapa ke tumediso, ke “kgotso e be le wena,” kapa “kamohelo,” “matsoho hoseng,” mokgwa ofe feela wa e—e tumediso. Empa lentswe le leholo leo ke le fumaneng ka Seheberu mono, le bolela dintho tse ngata, empa tsohle di lebahane le ntho e le nngwe, “kgotso.”

¹³ Ere re sa tjamelana le selemo se setjha sena, re tjamelana le bobedi boo, jwaleka ha ke badile, botsho le Lesedi. Jwale re bona Davida, a bua mona, a re, “Itshepiseng Morena. Beang tshepo ya lona ho Yena.” Esaia o itse, “Botsho bo apesitse setjhaba sena; empa hore Kereke e tsohe e bonese, ka kganya ya Lesedi.”

¹⁴ Ka hona re tobana le selemo sena jwalekaha re etsa dilemong tsohle; ho na le e—e boinyatso ba dibe tsa rona tse fetileng, le ho lebella bokamoso ba Lesedi le kganyang la Kreste. Ntle le pelaelo, ha re ka phela selemong sena, re tla fumana diphoso tse ngata tseo re di entseng, mme re lebeletse hoo hoba e le molao wa botle le bobe. Ke molao o setsing oo re phelang ka wona bophelong bona. Empa re thabile hoba le Mmuelli Ya dutseng letsohong le letona la Modimo, ya emang dipakeng. Ha re ikemiseditse ho amohela ditlolo tsa rona hore re sitilwe, eba O a di tshwarela. O mohau mme o lereko, ho re tshwarela ditlolo tseo.

¹⁵ Botsho bo opaneng bona, ke batla ho bua pele, ke re ntho eo e atile haholo lefatsheng kajeno, mme ho a ntshofala ho ntshofala ka nako tsohle. Selemo ka seng, re fumana, hore e—e lefatshe le a fifala, ha re bua moyeng, hoba ba kgasa lefifing. Sebe se atile. Re sa tswa feta taba eo, polao ya Mopresidente, le tse jwalo, mme batho ba bolawa naheng ya rona mona hantle. Athé, ha re a hopola e ka hlaha tswelopeleng ena ya sejwale, empa re a fumana ruri, hoba botsho bo opaneng bo aparetse batho. Jwale, ba sa tlo tla Leseding, jwale ntho e nngwe feela eo nka e buang bakeng sa selemo se tlang, le tla nna le ntshofala le ntshofala ha selemo se ntse se ya.

¹⁶ Empa ho ba fetohelang, selemong se setjha sena, Leseding, jwale le tla eketsa ho kganya le ho kganya, ho be ho fihle Tsatsi le phethehileng leo re le lebeletseng, ho hlaha ha Hae, moo botsho bohole bo tla nyamela—ho nyametswa. Mme lebaka la hono, ke ka hona ke buang, Kerekeng ya Modimo o phelang, kajeno, “Shalom,” hobane re le Masedi a Hae. Jesu o itse, “Lona le Lesedi la lefatshe.”

¹⁷ Jwale, moporofeta o buile, “Botsho bo aparetse batho bana; bo hodima batho ba lefatshe, botsho bo opaneng.”

¹⁸ Le lemohile na, dilemong tse mmalwa tse fetileng, bang ba lona banna le basadi thaka tsa ka, ka moo selemo ka seng, eka botsho bo eketseha keketseho? Ke qoqile tsatsi le leng, mme ka re ho mofumahadi wa ka, “U a tséba, eka, ha dilemo di feta, eka batho ba suthela hojana le hojana le ntho e lokileng athe ba tlamehile ho atamela haufi le haufi le yona.”

¹⁹ Ke lemohile, hara banna. Shebang ka ntle diterateng, le hara boholo ba basadi, sheba ditakatso tsa bona le seo ba ratang ho se etsa, mme ba—ba fetola dimelo ka nako tsohle. Banna ba eketsa ho tshwana le basadi, mme basadi ba eketsa ho tshwana le banna, eka ha ho mokgwa wa ho e kgina. Ke haola le naha, ke rera kgahlano le ntho eo, le ho kgutla selemo se latelang e jele setsi ho feta ha ke qala. Ke hore, batho bao ba batla ho etsa hantle, empa, bao, ntho e teng e sa ba dumelleng ho etsa ho lokileng. E ba hatella fatshe, e a ba susumetsa. Eka—eka lefatshe lohle le aparetswé ke mohodi o motenya, o lefifi. E

seng Phoenix feela, empa hohle lefatsheng, eka botsho bo a kgasa bo a bokellana, bo eketsa ho tiya le ho tiya, ka dinako tsohle, bo pupetsa bona ba makgonthe, sesadi sa makgonthe. Ke bua nameng.

²⁰ Mme, bona, eka...bo kena dikereke ka sekgahla. Mme ha u ema u bua letho kgahlano le yona, jwale ba o qosetsa ho e etsa. Wa bona, u—u e bona e tla, mme—mme ha u bua kgahlano le yona, motho ha e utlwisise. Ka nako tse ding basadi ha ba e utlwisise, monna ha e utlwisise, ba nka mokgwa o phoso.

²¹ Ka dinako tse ding monna, monna ya lokileng, o lokela ho mamella dintho tseo a tle a baballe ditshwanelo tsa hae diemong tsa borapedi ba hae, hobane, ha ba sa etse jwalo, baa kgaolwa, mme ebe ba—ba eme ba le bang. Mme hang ha u kgaolwa bathong ba itseng, ebe e se e le bothata ho ikopanya le motho e mong, hoba ba u tsebile u le setho sa sehlopha sena se seng, e be, “Ho etsahetse’ng tlase *mona*?” Ebe moo u tlamehang ho emela dikgodiseho tsa hao, kapa u tsamaye u le mong, kapa u hanele dikgodiseho tsa hao. Ka hoo e thatafalla batho haholo.

²² Mme eka ke nako, ha o sa bona boikemelo boo bo ikgethang, ka moo monna a tshwanetseng. Ke...Esita le ho e tlosa, ho tloha moyeng, jwale ho ya tlahong, ke...Monna o rwala dieta tse pinki tsa velvet, le dintho tsohle tse jwalo, ba eketsa ho sadifala. Mme basadi ba tsuba disakreste, jwale ba kokosa disikara, mme feela ba...le ho poma moriri wa bona jwale ka monna; mme eka e—e semelo se hlokolosi, sa sesadi, sa sefumahadi se nyametse. Mme semelo sa makgonthe sa bona se nyametse; eka sohle a se nahanang ke bobe, ka hlakoreng le leng.

²³ Ke hopola ho batla ho itshwanelo le qalong, “mohopolohle wa pelo ya motho o eketsa bobe ka mehla.” A rona—rona mananeo, a thelebishene le—le radio, ha a sefshwa. Motho a ka bua sohle, mohlomong, a e batlang, esita le ho rohakana le ho pheta meswaso e ditshila, e phori e—e sa lokelang, ha di a tlameha, ho phetwa le ka tameneng. Kanthe ba di bua thelebisheneng le radiong, mme di romelwa malapeng a batho. Eka botsho bo aparela ntho yohle. Lefatshe lohle le bonahala le silafetse.

²⁴ Jwale, e se e le dilemo, ke leka ho phamisa folaga, Lentswe la Modimo. Mme isao ke ikanetse ho phamisa folaga eo ho feta ka moo nkileng ka etsa bophelong ba ka, wa bona, ho ema tswe le Lentswe leo. Jwale, ke kgolwa mang le mang ya nahanang kelellong ya hae hore ke leka ho iketsa kgwalebohlajana, jwale, moena, kgaitse, ruri o fositse. Ke e etsa hoba ke tlamehile maoto le matsoho Mono. Ke, ke tlamehile ho ema le Lentswe leo. Sohle seo Le se buang, ho se kenyé tlhaloso ya motho, ho Le bua feela ka mokgwa oo. Jwale ba teng ba ka Le hhalosang

mme ba Le utlwahatse le fapane, empa nke ke ka etsa hono. Puo e le nngwe eo ke e tsebang e ngotswe Mona, tsela e leng teng feela ke Ena.

²⁵ Jwale, dilemo tse mmalwa, tse ka bang tharo tse fetileng, ke tsona jwale, moo, hae kwana, kerekeng ya lapeng, Moya o Halalelang wa na wa bua le nna, ho re, "E-ya Tucson, ntho e teng e letileng." Ka ema kalaneng ena mme ka bolella e mong le e mong wa lona, "HO RIALO MORENA, e teng ntho e mothating wa ho etsahala." Ho ka ba le batho ba makgolo ba dutseng mona ba e tseba. Ka le bolella seo ke se boneng feela. Molaetsa o hatisitswe lebanteng, *Ke Nako Efe, Monghadi?* Ke bone lesihla la Mangeloi, e ka e—e piramite, a theoha leboya feela ho Tucson; hodimo ngeng *ena*, leboya ho Tucson. Mme A mpolella ntho e nngwe, mme ke sa tsebe keng. Mme tsatsi le leng mono . . . Banna ba dutse mona jwale, ba babedi, ba ne ba ena le nna, morao koo mohla e etsahalang.

²⁶ Mme ba katlatsta setshwantsho sa Lona sebakeng. La hlaha ka—ka makasineng. Ke itse ke tshwere kopi. Ke na le yona. Ke yona eo. Le e bona makasineng wa *Life*, kopi ena, hantle ka moo Moya o Halalelang o e tlalehileng kateng.

²⁷ Mme keha Mangeloi a supileng a eme mono ka tlwaelo mokana le ntjhebile ke eme mona, mme a ntaela ho kgutlela hae, hore, diphiri tseo bahlabolli ba mengwaha ba sa di thonakang, diphiri tsa Bibele, tse ka hara Ditiiso tse Supileng, di tla senolwa. Ke phephetsa mang le mang, ho nka *Ditiiso Tse Supileng* le ho di hlahloba, le ho fumana phoso ho tsona. Wa bona? Wa bona? Hoba e abilwe ka pudulelo ya Modimo.

²⁸ Pele ho moo, ka rera ka *Mengwaha E Supileng Ya Kereke*, mme ka nto e taka letlapeng ka hara tabernakele ya ka.

²⁹ Thuto ya ka, ka ntle mona ha ke rere Thuto, haese metheo e meholo ya evangedi; hoba ke na le baena, ba ka fapanang le nna, mme ha ke abe Hoo ka ntle pel'a batho mona. Ke leka ho dula metheong ya nnete ya Lengolo, e kang eo re e dumelang. Empa, tabernakeleng ya ka, ba E hatisa. Ha le E batla, le ka E fumana. Ha moruti wa hao a sa batle ha u E nka, u se ke ua E nka. Wa bona, ho ho wena.

³⁰ Empa ka mono, ho rera *Mengwaha E Supileng Ya Kereke*, le ho fuwa taelo e tswang ho Modimo; ho e taka, ka moo botsho bo kgasetsang ka kerekeng, Nicaea; le mangeloi a kereke, barongwa. E tshwanetse e be e lokile, hoba, hang feela hoba ke take ke phethela mongwaha wa kereke ya ho fejana, e le hoseng ha Sontaha, ka hora ya leshome le motso o mong, Lesedi le leholo leo la theohela ka mohahong, pontsheng ya batho ba kaa ka ba dutseng mona; ho theoha Le bile le Itshwedimisa leboteng, pontsheng ya batho bao bohle, mme la

taka Mengwaha eo ya Kereke ka moo ke neng ke e takile mono. Jwale, ho na le makgolo le lekgolo la dipaki ho tiisa taba eo. Feela . . .

³¹ Be, jwale, re a elellwa ka mehla Modimo o hlahisa dintho lehodimong pele A di hlahisa lefatsheng. Jwale ka banna ba bohlale ba latetseng naledi, le jwalo-jwalo. Pontsho ya lehodimo e hlaha, pele, ntho ya lefatshe e nto netefatsa pontsho ya lehodimo. Modimo o etsa, o sebetsa ka dipontsho, dipontsho le mehlolo. Eka lokela ho latela badumedi hohle. Esale Bajuda ba batla pontsho, hoba e ne e le bakgethwa ba Modimo, mme ba ne ba batla pontsho. "Re bontshe mohlolo, re tla dumela." Mme, hape, mohlola banna ba bohlale ba tlang ka pale ya bona, Balepi, ya tswalo ya Kreste, hantle selemong se setjha.

³² Jwale re fumana hore kgwedi, ka Bibeleng, e lekanya kereke. E tjhabisa lesedi lefatsheng, ha letsatsi le diketse. Ditshenolo, kgaolo ya 12, hantle-ntle e a hhalosa, "mosadi ya kgwedi tlasa maoto a hae, le letsatsi hlohon ya hae." Le ka moo ha letsatsi le diketse, ha letsatsi le ile ka nqane, kgwedi e hadimisa letsatsi lefatsheng. Kereke e loketse ho hadimisa Jesu Kreste lefatsheng, nakong eo Mora Modimo a leng siyo. Bohle re dumela hono. Ke ntho e hlollang, leha di fapanie.

³³ Empa ho bua mona, ka 1933, ka mopapa ya nkang madulo a hae a tswa, kapa a tswa, ke rialo, Roma, mme a etela e—e mafatshe a halalelang. O tla boela a tla kwano. Mme ntho e hlollang, ke, hore matsatsi a mmalwa pele a tloha Roma, kgetlo la pele e hlahileng nalaneng, kgwedi ya theoha ya fifala ka botlalo. Ntho eo feela, e ne e le eng? Ho sira Lesedi le hadimang la Mora. Tabeng ena, o buile le ntate Ramolao; mme bohle ba dumellana, "Mopapa o e etsa molemong wa setswalie, setswalie se setle sa boahisane." E utlwahala, tsebeng ya nama, e le ntho e babatsehang ka ho fetisia e ka etswang. Empa tsebeng ya moya, ke lefifi. Le ka moo rona dikereke, rona Presbeteriene, Methodise, Baptise, le Mapentekosta, a ka ikopanya le ditshila tse jwalo, ba tseba ha Bibele ya rona e re ruta ka ho fapania! Ho nna ke ntho hlollang, ka moo monna ya tletseng Moya a ka dulang moo a re, "O utlwa o le moyeng ha o dutse moo." Ho nna, ho a nyarosa.

³⁴ Jwale, ke kgolwa le se fumane mona Phoenix. Ha motho . . . Ba bakae ba boneng moo ke takileng ditshwantsho tseo tsa Mengwaha Ya Kereke? Phahamisang matsoho a lona. Ke a kgolwa . . . Le bona ka moo Morena a di takileng dibakeng, bosiu bo bong? Hantle feela ka moo e takilweng hodimo mono tabernakeleng. Ka ho phethahala, hantle ka moo Moya o Halalelang o e abileng ka pudulelo, dilemo tse tharo tse fetileng, Tabernakeleng, ke eo e hlaha dibakeng. "Taba e tiya, ka molomo wa dipaki tse pedi leha di le tharo." Moya o Halalelang o tlide pele ka tshusumetso; ka di taka kalaneng.

Yaba O theoha ka Boyena mme a E netefatsa, mohla kgwedi le Lesedi di timang, di tima, mme Mongwaha ona wa Laodisea o boela o fifala ka bottlalo. Mme Ke enwa a theoha a e netefatsa kgwedding, hantle mohla dikereke tsohle di teanang kopanong, ya federasi ya dikereke.

³⁵ Ha e makatse, jwale ka Esaia ha a boletse, “Botsho bo aparetse lefatshe, hodima batho bana.”

³⁶ Ke tseba o sa ratwe ha o bua kgahlano le mokgatlo, empa ke letshwao la sebata. Ke sona se re nkang se re kenya mono. Ke ho bopa setshwantsho sa sebata. Ha ke rialo ka kgalefo. Ke rialo kahoba e le Nneta, baena. Tsatsi le leng Phoenix e tla tsoha, mme mohlomong ke se ke ile, empa le tla tseba hoba e ne e le HO RIALO MORENA. Ke nnete. Mme ka moo Moya o Halalelang o moholo a netefaditseng Melaetsa eo wa lepa dintho tseo pele, ha eso hlollehe le ka mohla! Mme ebe hobaneng re kgasa lefifing? Hore'ng batho ba sa phaphame pele nako e feta? Le leng la matsatsi ana, nako e tla be e fetile, le tla be le amohetse letshwao, mme ha ho sa na... O ke ke wa etsa ka yona, u tla tshwaswa tsamaisong eo, o se o tshwailwe le tsamaiso eo.

³⁷ Hobane'ng o sa tle ho Kreste, ho tlatswa ka Lesedi la Evangeli ya Jesu Kreste, Matla a Hae a tsosang a ka o lokolla, mme a o etsa kandelare e hodima thaba? Ho sa tsottelehe lefifi le aparela hakae. Ho re, “Be, hobaneng re loketse ho e etsa? Ba bang bohole...” Mamelang, jwale ke nako ya ho le tjhabisa, mohla lefifi le hlileng le tshwereng. Ke mohla Lesedi le tjhabang hantle ho feta, keha Le le hara lefifi. Ka mehla re loketse ho tjhabisa Lesedi lefifing.

³⁸ Moporofeta ya reng, “Botsho bo tla aparela batho,” mme ruri ke Nneta.

³⁹ Jwale re fumana lebaka leo kgwedi e hadimisang lesedi. Modimo o bontsha, pele, hodima letlapa; ntho e latelang, ka Boteng ba Hae ka Sebele; A nto hlahisa pontsho mahodimong. Mme mopapa a ntano tswa Roma, ho kena Palestina; etswe, leihlong la tlwaelo, batho ba hweleditse ba wa ka difahleho tsa bona, mme ba kgumamela monna eo. Ke kgahlano le yena hakaalo ka moruti ya ikopanyang le tse jwalo. Wohle ke moyo o le mong.

⁴⁰ Lefifi le bonahala le apesitse batho hoo ba nahanang hore se ka etswang feela ke ho kena kereke le ho ba motho ya lokileng haholo, ho ngola lebitso la hao bukeng, le nthwana e itseng e hlollang, “Modimo o tla sotha senotlolo mohla u shwang, mme a fetole moyo o ka ho wena, ho Yena.” U a fosa. Ha u shwa, moyo o ahileng ka ho wena, u tla besale o le jwalo. Mme hopola, Bafarisi, Bassadusi, le ba jwalo, e ne e le barapedihadi.

⁴¹ Modimo ke Modimo o boulelang. O a boulela, mme U batla mofumahadi wa Hae a hlweke. U mmatla e le morwetsana, ya hlwekileng. Ho se letho la lefatshe ka ho yena, ho hang; Lentswe la Hae ka botlalo, karolo ya Hae. Re tshwanela ho ba karolo ya Lentswe. E seng karolo ya tumelwana; karolo ya Lentswe! E seng karolo ya kereke; karolo ya Monyaduwa! Kereke e ahlotswe, re a tseba e tla kena lefifing le ka ntle, empa Monyaduwa o a nyoloha.

⁴² Jwale hola batho ba ka phaphama metsotso e mmalwa mme ba elellwa hore ntho e kgolo ke eng. Ke boikgohomoso bo etsang hono. Ke batho ba—ba batlang ho etsisa lefatshe lohle. Le ke ke la etsa seo. Ha le ba lefatshe. Le nahana mosadi ya robetseng ka lekeseng a ka batla ho tseba na moriri wa hae o otlolotswe-sa-metsi, kapa e leng hore le e bitsang? Le nahana a ka tsotella ka moo a apereng haeba a robetse ka lekeseng, kapa monna ya itseng? Ba ne ba sa tl'o e etsa.

⁴³ Mme ke lona lebaka, kajeno, ho na le ntho tse ngata hakana re lokelang ho di kopitsa ho baahisane, kapa ho kgalala e itseng ya Hollywood, kapa feshene e itseng, kapa ntho e kang eo, ke kahoba re eso ho shwe ho Kreste le ho Lentswe la Hae. Molato ke'ng ka dikereke? Re lefifing, re kgasa lefifing. Ho re, “Botsho bo opaneng bo tla aparela batho.” Botsho bo opaneng bo hodima batho jwale!

⁴⁴ Hoo hohle ho bolela'ng? Ho bolela sena, hore ha lefatshe . . . Ho fifaditseng kgwedi, ke ka baka la e—e letsatsi . . . lefatshe le kene seriting sa letsatsi, le neng le ikgadimisa hodima lefatshe. Lefatshe la kena seriting. Ke bona bothata ka kereke. Ke bona bothata ka Presbiteriene, Methodise, Mapentekosta. Ke bona bothata ba rona bohle. Lefatshe le kwalla Lesedi leo re tshwanetseng re be re le hadimisa, le a iphikilosa le kena ho Lona, ebile, ha di fetana, le tjebela botsho hodima lona.

⁴⁵ Mme lefatshe le kene ka hara kereke, ka e—ka lebitso la bodumedi bo hlophilweng, lebitso la tumelwana e itseng, mme “re barapedi le *sena* sohle le *sena*,” empa leha ho le jwalo e latola matla a tsosang a Kreste ho netefatsa Lentswe la Hae le porofetetsweng tsatsi lena. Lesedi le ka tjhabiswa feela ke Lentswe la Modimo. Re tseba seo. Modimo, tshimolohong, o no o re, “Lesedi le be teng,” mme lesedi la eba teng, netefatso ya Lentswe la Wona leo A le buileng.

⁴⁶ Botsho, ho ntshofetse! Lefatshe la itshohlomeditse motjheng le kgadimo ya letsatsi hodima kgwedi, mme la e fifatsa. Ke se etsahetseng tlhahong, kapa moyeng. Jwale ka ha e etsahetse tlhahong, e lekantswe pele mme re e boleletswe, ke sona se etsahetseng hantle.

⁴⁷ Jwale, le bona ka moo e hlhang pheletsong. Bongata ba lona batjha, ha le a tlameha ho tsafala pele le e bona, le hona, ha le ka phela dilemo tse ding tse tharo kapa tse nne.

⁴⁸ Kgwedi jwale, re ho Mongwaha wa Kereke ya Laodisea. Ho Mongwaha wa Kereke ya Laodisea, hara dikereke tse ding tsohle, Laodisea, ya ho qetela, mongwaha wa kereke e fofo, Kreste o ne a eme ka ntle ho kereke. Mmadi ofe feelsa wa Bibele o tseba seo. Tshenolo 3, O ne a eme ka ntle ho kereke, A leka ho kgutlela ka hare hape, mme ha hwa thwe O kile a kena. “Empa O laya le ho kgalema, bao A ba ratang.” Molaetsa o tla kgalema mme o laye bao A ba ratileng. Jwale, o ne a kokota, a leka ho kena; botsho ba Le kwalla ntle, yona hantle ntho e hlahileng. Lesedi le esale tjhabile, le tla tingwa ka bottlalo ruri. Hohle ho tla tloha ho etse setshwantsho sa sebata. Mme re a tseba seo se bolelang, eo ke nako ya qetelo.

⁴⁹ Modimo, tshimolohong, o no o arole lesedi ho lefifi, mme ke seo Modimo o boelang o se etsa. Modimo o arola lesedi ho lefifi. “Tshimolohong,” O itse, “lesedi le be teng.” Jwale, le hopole, lesedi le ke ke la tjhaba ka ntle ho Lentswe la Modimo. Lona letsatsi le ka ntle mane ke Lentswe la Modimo, le netefaditsweng. Botsho bo ne bo aparetse lefatshe, mohodi le mmuwane hodima lefatshe, mme Modimo wa re, “Lesedi le be teng.” Jwale hola lesedi le sa ba teng? Jwale ho bua ho ka be ho sa Mo thusa ka letho. Empa enere ha A re, “Lesedi le be teng,” yaba lesedi le eba teng, ho netefatsa hore Lentswe la Hae le ne le lokile. Ke lona lesedi leo re phelang ka lona kajeno.

⁵⁰ Mme Lesedi le le leng leo re ka le fumanang kajeno, ka hara kereke, ke Modimo o netefatsang Lesedi la Wona molokong wona.

⁵¹ Moloko o mong le o mong o abetswe hakaalo, e leng se hlahileng matsatsing a bona. Bohle re tseba hoo. Baporofeta ba ne ba fihle temeng. Bona, Lentswe la Morena le tlile ho bona, ba Le utlwisisa. *Seboni*, ka hara Testamente ya Kgale, ke ho re, “ya senolelwang Lentswe.” Mme ka moo ba e tsebang kateng, ke kahobane a tseba dintho tse tla hlaha e sa le pele. Lentswe la Morena le ne le tla ho bona, mongwaheng o mong le o mong.

⁵² Jesu o itse ho Johanne, ka Johanne, “E ne e le lesedi le kganyang le phatsimang, ho se hokae.” Hobaneng? Esaia, dilemo tse makgolo a supileng le leshome le metso e mmedi pele a tswalwa, o itse, “Lentswe la ya howang felleng le teng.” Malakia, kgaolo ya 3, e boletse, “Bonang, Ke roma lengosa la Ka pel’ a sefahleho sa Ka, ho hleka mmila pel’ a Ka.” Wa bona, e ne e le Lentswe leo le netefatwang. Lentswe le neng le tshepisitswe tsatsi leo, e ne e le lesedi, hoba a ne a tlatsa lona Lentswe leo Modimo a le boletseng ka yena.

⁵³ Mme ha Jesu a fihla, Johanne a re, “Ke tshwanelo ho kokobela jwale; Yena a hlahe pontsheng.” Mme E ne e le lesedi. Mengwaheng yohle, ka moo Modimo o buileng ka ho fihla ha hora eo!

⁵⁴ Tshebetso eo ya bodisa ya sitwa jwang ho Le bona? Ba sitilwe jwang? Bafarasi bao le Bassadusi ba sitilwe jwang ho bona? O itse, "Batlisang Mangolo, hoba ho Wona le nahana le na le Bophelo Bosafeleng, athe ke Wona a Mpakang." Ba sitilwe jwang ho Le bona, baena? Kahobane ba ne ba porofetetswe ho e etsa.

⁵⁵ Mme ho jwalo le kajeno, botsho bo aparela batho, mme ke rona bana! Modimo o abile Lentswe la Wona ho bonahatswa letsatsing lena, mme ke lona feela Lesedi leo re le nang le lona, mme Modimo o tla dumella motho e mong ho bonahatsa Lentswe leo. Motho e mong o tla e etsa. O e tshepisitse, mme O sebetsa hantle ka moo A nnileng a sebetsa.

⁵⁶ Ha A eso fetole moralo wa Hae wa mosebetsi. O porofeta se tla etsahala, A nto roma motho ho netefatsa hono. Mme e tlola hodima dihlooho tsa ba dimilione, hobane, ka nako eo lefifi le aparetse lefatshe. Mme batho ba rata lefifi ho feta Lesedi, hoba lefifi le bolokile menate e mengata.

⁵⁷ Ke bone setshwantsho sa Hollywood, nakwana e fetileng, ho thwe, "Bophelo bo qala hoba letsatsi le dikele." Ke mohla lefu le qalang; ditlelapo tsena tse sesang bosiu, moo ba nahangan hore ba phela teng. Ba ya shwa.

⁵⁸ Modimo, tshimolohong, o ne o arole lesedi ho lefifi. Ha e sa le A etsa. O etsa'ng? O le kgothometsa, ka lesedi le tlang, O kgothomeletsa lefifi hlakoreng le leng la lefatshe.

⁵⁹ Mme ke sona se etsahalang hona jwale. Ke pejana letsatsi le tjhaba. Naledi ya meso e tjhabile ho tumisa letsatsi le tlang. Mme Moya o Halalelang o bonahatsa Lesedi la Wona. Ho fihla mohla Lesedi le lefifi di tla lokela ho arolwa, e nngwe ho e nngwe. Kereke le tsamaiso ya yona di tla ikgethela temalo ya letsatsi lena; mme Kreste le Lesedi-Lentswe la Hae la tshepiso ba tla kena Hlwibilong. Ke phetho se ba saletseng ho se etsa. Ke letsatsi leo, kajeno, mafube a letsatsi le letjha a hlahile, ho ba bangata ba lebeletseng ho Kgutla ha Hae.

⁶⁰ Batho ba bangata hakana, ba lokileng ba tshepehang kajeno, ke yona ntho e hotetsang dipelo tsa bona, batho ba bangata hakana, ba lokileng ba tshepehang jwale ka Maria le Josefa. Ba ne ba tswa moketeng, mme ba lahlehelwa ke Jesu. Batho ba bangata ba etsa jwalo kajeno, ba hopola A le ho bona. Jwale, ke batla ho le tjhabisetsa lesedinyana lena, ho le bontsha ka moo Lentswe la Modimo le sa tlaileng.

⁶¹ Rona bohole mona, thapama ena, re leng Bakreste, re dumela Jesu Kreste e ne e le Lentswe la Modimo, le bonahaditsweng. Re dumela A tswetswe ke morwetsana. E le tabernakele eo Modimo o Matlaohle o ahileng ho yona, mona lefatsheng. E seng moporofeta feela, e seng monna wa tlwaelo feela, empa Modimo ka sebele sa Wona a bonahetse ka sebopoho sa monna.

E ne e le *Emmanuele*, “Modimo o na le rona.” Re dumela seo, ka pelo tsa rona tsohle. Mme jwale le lemohe mohla Maretha kapa...

⁶² Maria, ke rialo, le Josefa, ba hopotse Jesu a ena le bona, ba hopola A le ho bona, ba nahana, “Ke a kgolwa ho lokile. O tlameha a be a ena le rona.” Empa keha ba fositse habohloko. O ne a le siyo.

⁶³ Batho ba bangata hakana, ba lokileng ba itshwanela kajeno. Ba nahana, ba bona hora e atamelang, ba tseba hobane ntho e mothating wa ho etsahala, ba etsa’ng? Ba tloha ho ya ingodisa kerekeng, ho nahana hore O na le bona. Ba tsukutla matsoho le moreri, ba nahana e le phetho seo ba tshwanelang ho se etsa, “O na le bona.” Ho tiiseletswa kapa ho kolobetswa ka tsela e itseng, ke phetho seo ba loketseng ho se etsa, ba hopola Jesu a le ho bona. Moena, kgaittsedi, jwalo feela ka Maria, Josefa, wa boholoholo, batho ba makgonthe ba tshepehang, empa ba fositse.

⁶⁴ Bophelo ba hao bo a paka hore Jesu o ho wena kapa tjhe. Bophelo ba hao bo bontsha ha A ahile ka *mona*, kapa haeba A sa ntse a ituletse mahodimong a Hae kapa tjhe, sohle seo u leng sona. “Mesebetsi eo Ke e etsang le lona le tla e etsa.” U ka ba le Kreste ka ho wena jwang, mme wona Moya o ka ho wena o latole Lentswe la Hae, ho amohela tumelwana sebakeng sa lona? Ho ke ke ha etsahala. Ekabeba O Itatola ka ho hana Lentswe la Hae ka Boyena.

⁶⁵ Na ke hobane motho e mong a Le hlalositse ka phoso? U na le Bibele, u ka e bala jwale ka mang le mang. Tshepahala.

⁶⁶ Davida o boletse, “U Mo bee ka pela sefahleho sa hao ka mehla.” Ho tseba hore ha re kopana le selemo se setjha sena, re kopana le sona ka matla a tsoho ya Kreste. “O ka pel’ a ka ka mehla. Nke ke ka sisinyeha.”

⁶⁷ Lemohang ka moo Lentswe le sa tlaileng. Maria le Josefa...Jwale ho lona, metswalle ya ka e ratwang ya Katolike, le itseng Maria ke mma Modimo. Maria e ne e se le mma Jesu, ha ke sa bua ka ho ba mma Modimo. E ka ba yena jwang? Hantle. Ha ho mohla A kileng a mmitса mme; lekgale.

⁶⁸ Ba kile ba tla ho Yena, le ho re, “Mmao le banabeno ba eme ka ntle.”

⁶⁹ A sheba phutheho ya Hae, ho re, “Mme wa Ka ke mang? Banabeso ke bomang?” A sheba barutuwa ba Hae, ho re, “Ba etsang thato ya Ntate, ke bona bao e leng mme wa Ka, ba Ka...”

⁷⁰ Sefapanong, mohla A na shwa, O buile yona ntho eo. O itse ho Johanne, Johanne mona, monna enwa, “Mora, bona mmao!” E seng, “Mme, bona mora wa hao.” “Mosadi, bona mora wa hao!” E seng, wa bona, e ne e se mme wa Modimo ka letho.

⁷¹ E ne e mpa e le popelo eo Modimo a e adimileng ho e sebedisa; a sa fete mosadi ofe feela eo Modimo a ka kgethang ho mo sebedisa. A ka sebedisa (ya hao) popelo ya pelo ya hao, ho paka Mora wa Hae, ha u—ha u ka Mo dumella ho e etsa. Wa bona? Ha se mme wa Modimo ka letho. Maikutlo a loketse ho ba teng, ho ba peo ya Maria. E ne e se peo e tswang ho Maria.

⁷² Yona, ntho yohle, e ne e le Modimo, Mmopi. Efela ha Adama wa pele morao kwana a bopilwe ho se ntate le mme, Adama wa Bobedi o a tshwana. Mme ntho efe feela e ka tlasana moo e ke ke ya Mo beha teka-tekanong le Yena. Ke hantle. Wona Modimo oo, O bopile mmele oo A ileng a aha ho wona ka Sebele.

⁷³ Jwale re a fumana, shebang ka moo, shebang, hola Maria e le mma Modimo, o kile a thella mono, hodimo mono. A re, “Nna le ntataao esale re U batla ka dikgapha.” E le ha a latola tswalo ya morwetsana, “Ntataao, Josefa, le nna, esale re U batla.”

⁷⁴ Bonang Moshanyana wa dilemo tse leshome le metso mmedi, Ngwana wa dilemo tse leshome le metso e mmedi, a re, “Na ha le tsebe Ke tshwanetse ho ba mosebetsing wa Ntate Ka, a tsekisana le borapedi bo hlophisitsweng boo hodimo mane?” Jwale, ha eba A ne a le moo, mosebetsing wa Josefa, A ka be a le tlase kwana setorong sa mmetli. Josefa e ne e se ntate wa Hae. Modimo e ne e le Ntate wa Hae. “Na ha le tsebe Ke tshwanetse ho ba mosebetsing wa Ntate wa Ka?” Hodimo mono, a le dilemo tse leshome le metso mmedi, a ena le baprista bao ba rutehileng. A sa kena sekolo le letsatsi le le leng, empa ba tsota bohlale boo. Mme le shebe . . .

⁷⁵ E ne e le Lentswe. Mohla A ne a tswalwa, E ne e le Lentswe. E sa ntse e le Lentswe. Lemohang, Lentswe ha le amohele qhekanyetso. O itse, “Nna le ntate wa Hao esale ke U batla ka dikgapha.”

⁷⁶ Hore, “Ana ha le tsebe Ke tlamehile ho ba mosebetsing wa Ntate wa Ka?”

⁷⁷ A kgalema mme wa Hae ka Sebele? Hobaneng? E ne e le Lentswe. Potso e ka hlaha kelellong ya motho, haeba Maria mona, yena ya kileng a re “Moya o Halalelang” o mo kgurumeditse mme wa tswala Mora, mme mona o bitsa Josefa ntate. Lentswe ha le tlaile. Le ke ke la hlolleha.

⁷⁸ “Ana ha le tsebe Ke tlamehile ho ba mosebetsing wa Ntate wa Ka na?” Mme O ne a le mosebetsing wa Ntate; e seng—e seng mosebetsing wa Josefa, ho tea mamati le—le dintho a betla dipatsi. O ne a le mosebetsing wa Ntate wa Hae, a otolla dipolotiki tsa bona tsa bodumedi ba letsatsi leo. “Na ha le tsebe Ke tlamehile ho ba mosebetsing wa Ntate wa Ka?” E, mongadi.

⁷⁹ Batho ba bangata kajeno, boholong ba dikereke tse ntle tsena, ba kenela setlamo seo sa kerekere; ha ba “kene” ka hare, ba se ba kene mono. Ba hopola e le yona ntho e tlamehang ho etswa, “Mosa, ho loka, horeng bohole re sa kopane?” Kgele, esale ba leka, bohole, ka dilemo, ho fetola bohole Mamethodise Baptise, le Mabaptise wohle Presbeteriene; Mapentekosta a lekile ho ba fetola Mapentekosta kaofela ha bona. Le ke ke la etsa jwalo, empa setlamo ke yona karabo ya lona. Ke yona karabo, seo Bibele e itseng ba tla se etsa, mme ke hantle seo ba se entseng. Dikereke tse mosa, e, monghadi, ho matahana mmoho, “Ho hotle, ha re hlabeng selekane!”

⁸⁰ Bibele e itse, “Ba babedi ba ka tsamaya mmoho jwang ba sa dumellane?”

⁸¹ Bang ba bona ba hana tswalo ya morwetsana. Pheresente tse mashome a robedi tsa dikereke tsa Protestanta di hana tswalo ya morwetsana. Mme ba hana kolobetso ya Moya o Halalelang. Ba hana dipontsho tsa ho Tla ha Hae, Matla a tsoho. Ba hana hore esale Yena maobane, kajeno, le kamehla. O ka kgona jwang, athe Modimo o hlahisitse koduwa ena yohle hodima lefatshe kahobane mosadi a le mong a kile a belaela kgutlwana e le nngwe ya Lentswe la Hae? Satane o ne a mmolelle Nnete, ntho yohle ntle le e le nngwe, empa ke yona ntho e bakileng bothata bohole. Jwale, efela ha hlooho ena yohle e opang le maswabi ao le tlamehang hwa bona, kahobane kgutlwana e le nngwe ya Lona ebile pelaelo, na le nahana hore kgutlwana e le nngwe ya pelaelo e ka hla ya re kenya kahare?

⁸² Ke ka baka leo Jesu a tlelang Morwetsana ya hlwekileng, ya hlekehileng, ya tlatsitsweng ka Moya o Halalelang, mme e se wa lefatshe, empa wa Matla a Modimo. Oh, ho babatseha hakakang ho tseba hobane monyetla wa ho kena Sehlopheng sena o teng! Seo o se etsa jwang? O ke ke wa se etsa ka ho joina mokgatlo. O se etsa mohla o kolobetswang ka Moya o Halalelang, Mmeleng wa Jesu Kreste wa sephiri, ho tsoswa le Yena tshohong, ho lokoloha lefung le sebeng. Ke wona feela mokgwa.

⁸³ Botsho! Diphutheho tse kgolo tsa bodumedi, mme sehlophahadi sa monna se a kopana mme se teanya mehopolo ya sona ka Lona, mme hoo ho boela ho le tjebela lefitong le kang la tshimoloho. Ha ho tshepo ya letho lebakeng leo; ho fedile ka wena. Bao bohole ba bonahala ba fuduwe ke dikereke tse mosa tsena, ba nahana ha Modimo a tla ba le bona. “Be, dilemo tse Sekete di tla qala mohla kansele yohle e kopanang hodimo mono, le dikgato tsohle tsa bokereke, le dintho tse jwalo,” mme ba e joina. Ba etsang? Ba etsa setshwantsho sa sebata, matla, moo diphutheho tsohle tse e seng tsa bodumedi, le dintho tse jwalo, tse sa tlo joina ho bona, di tla kwallwa ka ntle. Ako shebeng feela mme o bone haeba ke sona se etsahalang.

⁸⁴ Ke e ngotse fatshe mona, ka lona letsatsi leo re . . . Morena o mpontshitse yona ka 1933. Mme ke ena hantle ka moo a . . . ka moo E boletseng kateng, ho tla jwalo feela, ka moo mopapa a tla tloha Roma kateng, le dintho tse jwalo.

⁸⁵ Jwale, ke batho ba lokileng, empa ba tlaitse. Josefa le Maria e ne e le batho ba lokileng, empa ba tlaitse haholo. Empa e ne e le eng? Modimo wa na wa sebedisa Moshanyana wa dilemo tse leshome le metso e mmedi ho supa hobane Lentswe leo le tlameha ho dula le hlwekile, hantle seo Le neng le le sona, seo Le se buileng kgetlo la pele, “O tswetswe ke morwetsana,” mme ke seo A neng a le sona.

⁸⁶ Ho hopola hoba O na le bona mohla ba joinang dikereke, le dintho tse jwalo, empa E ne e se jwalo. Jwale, empa ho Bakgethwa . . . Jwale, ke bona botsho, nka qeta hora tabeng eo.

⁸⁷ Empa ho Bakgethwa, ba theko e thata le ba bitsitsweng, Bahalaledi ba Modimo, ke re ho lona, selemong sena se tlang: Shalom, kgotso ya Modimo!

⁸⁸ Hora e fihlile mona! Hola be ke phetse morao mono ditshiung tseo tsa pele lefatshe le botjwa, mme ka sheba mme ka bona ntho yohle, mme Ntate a re ho nna, “O ka rata ho phela letsatsing lefe?” Ke ne ke tla re jwale, hona jwale hantle! Ena ke yona hora! Ena ke hora e kgolohadi eo Kereke e kileng ya kena ho yona, pejana Monyadi a kgutla. Oh, Kereke ya nnete ya Modimo o phelang e tlamehile e be e le mollong, e tuka, Lesedi la Evangedi le bonahatswa hara bona. “Tsoha o boneswe, hoba Lesedi le tlide ho wena,” Lesedi la letsatsi lena. Esaia e ne e le lesedi la letsatsi la hae. Nowe e ne e le lesedi la letsatsi la hae. Hobaneng? O ne a tshwere Lentswe le bonahaditsweng. Mme Evangedi, Mantswe a Bibebe a letsatsi lena, ke Lesedi la letsatsi. Re phela nakong le tlotlehang hakakang!

⁸⁹ Jwale, “madume hoseng” ke ho re *kgotso*. Lefifi le a kopana. Le kopanelang? Ho bontsha Lesedi. Esaia 60:1, “Tsoha o bonese, hobane lesedi le tlide ho wena.” Ke ka baka leo nka reng, “Shalom,” Lesedi le tlide ho wena, kgotso ya Modimo ho Mosadi ya kgethilweng, ho Mofumahadi ya kgethilweng; bao Modimo, pele ho thewa lefatshe, a ba bitsitseng mme a ba rerela Hoo.

⁹⁰ Ba bang bohole ba ke ke ba Le bona. Ba ke ke ba tseba letho ka Lona. Bibebe e itsalo. Mme Jesu o itse, “Ha ho ya ka tlang ho Nna a sa hulwe ke Ntate wa Ka, pele; mme bohole ba Ntate a Nneileng bona ba tla tla.” Hoo ke . . .

⁹¹ Judase o ne a eme mono, Lesedi le tjhabile hodimo *mona*, empa peo e lefifi e ne e dutse motsheo pelong ya hae. Enere mohla makgaolakgang a fihlang, lefifi la bonahala.

⁹² Mona mothwana, mosajana wa kgale, o ne a fifetse, hodimo *mona* ka pele, empa tlase *mona* ho ne ho dutse peo e rerilweng-

pele. Me eitseha Lesedi le fihla, La phatlalatsa lefifi, mme la bonahatsa. “Re a tseba Messia o a tla, mme, mohla A fihlang, O tla re bontsha dintho tsena.”

Jesu o itse, “Ke Yena.”

⁹³ Empa Judase o Le belaetse, athe o ne a tlamehile a be a tsamaya Leseding. Wa bona, Lesedi le hodimo *mona* ha le etse taba; Lesedi le tlase *mona* ke lona etsang taba. Lesedi le hodimo *mona* le ye le tsamaye mme le qoqe, le ntho ka nngwe eseles; empa ha matla a nnete a Modimo a kena, ha a kgone ho kgutlela peong *ena* e shweleng, le a pheula a hadimela hole le phutheho ya bodumedi.

⁹⁴ Empa ha Le dutse tlase motsheo *mona*, peo ya makgonthe e rerilweng-pele, ha Lesedi leo le fihla tlase mona, le leleka lefifi lohle ho wena, mme leo kenya setswalleng le Kreste. Ke Yena Ya o Neileng Bophelo pele ho thewa lefatsho, ho seng jwalo o ke ke wa Le bona, seo Modimo a se buileng.

⁹⁵ Jwale, ho lona Peo e reretsweng-pele, Shalom! Amen. Kgotsa ya Modimo e be hodima lona, hoba jwale re atametse bofelo. Re theohetse haufi le qetello. Re tlilo bua ka sehlopha seo, nakwana. Shalom!

⁹⁶ Lesedi la Modimo le tlie. Lentswe, Lesedi, le boetse le netefaditswe, le tle le bone ponahatso ya tshepiso ya Modimo bakeng sa letsatsi lena. “Batlisisang Mangolo, ho Wona le nahana le na le Bophelo Bosafeleng.” A paka ka letsatsi leo re phelang ho lona. Lesedi la letsatsi keng? Bibele e tshepisitseng letsatsing lee? Ho bona seo hora e leng sona!

⁹⁷ Ha ho makatse Jesu a ba omantse ka baka la ho se dumele Johanne. E ne e le lesedi, hoba moporofeta o itse o tla tla. Mme ke eo, lesedi le hlahileng. Ha ba ka ba le bona. Ha ba le utlwisia; ba hopola hobane ke Messia, mme *bona* ba nahana ntho e nngwe, le e nngwe *ena*. Mme ba sitwa ho Le bona.

Jesu a fihla. Masedi a mabedi a ke ke a tjhaba hang.

⁹⁸ Lesedi la kereke le Lesedi la Modimo a ke ke a hlaha hang. Lesedi la Modimo le tlameha ho tima lesedi la kereke. Mme ke sona se etsahalang kajeno. Modimo o tsheka bokereke Leseding la Hae la Lentswe le tshepisitsweng hora ena eo re phelang ho yona. Ke Nnete eo, motswalle. Mohlomong ha o batle ho dumela seo, empa aka eme mme o fumane haeba ho se jwalo. O se ke wa ema, o mpe o kene hona jwale monyetla wa ho kena o sa le teng.

⁹⁹ Lentswe ke Lesedi ha Le netefaditswe. Pele Lentswe, le tshepisitsweng letsatsi, le netefatwa, ha se Lesedi. E ke ke ya ba lona. Ha Modimo a itse, “Lesedi le be teng,” mme letsatsi le sa ba teng, pontsho ya lesedi ha e a hlaha. Empa ha Modimo a itse, “Lesedi le be teng,” yaba lesedi le eba teng. Mohla Modimo o no o tshepisa Messia, Messia o tlie, yaba

moo Lentswe la Hae le phethwang mme Ya eba Lesedi la hora. Mohla A ne a tshepisa Nowe, mme A tshepisa ba bang, le ho theoha jwalo, bao e ne e le lesedi la hora.

¹⁰⁰ Mme Lesedi la hora le hlahile kajeno, lona ke Jesu Kreste matleng a tsoho ya Hae, Lentswe la Hae le tshepisitsweng letsatsi lena. “Mesebetsi eo Ke e etsang, le lona le tla e etsa; le tla etsa le e fetang ena ka boholo, hoba Ke ya ho Ntate.” Mesebetsi e meholo, dintho tse fetang tseo A di entseng ka boholo? Le a e dumela na? [Phutheho e re, “Amen.”—Mong.] Ke a e dumela. E shebahala e ikokobeditse. E bonahahala e feta hodima hlooho ya batho. Shebang mohla A na le hodima lefatshe mona, le ka etsa mesebetsi e “meholo” jwang? Ke nnile ka e fetolela, hangata, “mengata,” empa ho ntse ho tshwana. E “meholo,” O itsalo ho Mohalaledi Johanne 14:12, “le tla etsa mesebetsi e fetang wona ka boholo.”

¹⁰¹ Na le eleletswe? Mohla A na fetola metsi veine, O ne a nke metsi, pele; mosebetsi o seng o bopilwe, mme a fetola veine. Mohla A fepang batho ba dikete tse hlano, O ne a nke hlapi e kileng ya hlapa metsing, a e ngwatha, a e aba, mme a atisa se bopilweng. O ne a nke bohobe e kileng ya eba koro, bo apehilweng e le bohobe, a bo ngwatha mme a bo aneha ka ntile ho ya . . . abela batho, mme ba boela ba kgutla. Ho atisa se seng se bopilwe!

¹⁰² Empa matsatsing a qetelo, ha ho mohlala wa se bopilweng, O e bopa ka polelo, leha ho le jwalo, ho supa hoba E sa le Modimo wa tshimoloho. A ka bopa dihlora [mesamane—Moft.], A ka bopa seo A se batlang, hobane Ke Modimo. “Le tla etsa dintho tse fetang ena ka boholo, hobane Ke ya ho Ntate wa Ka.” Lentswe ha le tlaile, Le tlameha ho bonahatswa mme le tlameha ho phethahatswa. “Le tla etsa dintho tse fetang ena ka boholo,” e seng ho atisa, empa ho bopa ka polelo.

¹⁰³ Elellwang Lentswe jwale mohla A ne a tshepisa. Kae, re ho kae, le hona? Re phela letsatsing lefe? Hora ke efe? Ponahatso ya Lentswe la Modimo, jwalo ka dihoreng tsohle. Le fumane Molaetsa ka *Mengwaha E Supileng Ya Kereke*. Hlokomelang ka moo sebata se seng le seng sa tseo se tswileng, le Dibata tse latetseng tseo. Hlokomelang na ha e a nepana le mongwaha wa bahlabolli, le mongwaha o mong le o mong, ka nepahalo ka moo e tlamehang kateng, ka nepahalo eo Lentswe le e boletseng. Mme le kajeno Moya o Halalelang o tla bonahatsa ka nepahalo eo Bibebe e boletseng e tla etsahala.

¹⁰⁴ Re bona diriti mahodimong le hodima lefatshe, le dintho tsohle, le dikansele le dintho tse itokisang.

¹⁰⁵ Mme re bona, hara tseo tsohle, Evangedi e tlotlwang ya Jesu Kreste, e baletsweng letsatsi lena, E iponahatsa. Re phela nakong e babatsehang. Shalom ho lona ba nang le Lentswe tlase pelong ya lona, ba kgethilihweng pele ho motheo wa

lefatshe, ho utlwa Lentswe la letsatsi lena. Ha o sa kgone, o emetswe ke selemo se mahlonoko. Ha o kgona, o emetswe ke lefatshe le leholo, kapa letsatsi le leholo, ho tla ha selemo se seholo jwale, selemo se setjha.

¹⁰⁶ Ha se ho phetla leqephe le letjha; batho ba bangata ba leka ho phetla leqephe le letjha selemong se setjha, ba boela ba kgutla ba le phetla tsatsi le latelang.

¹⁰⁷ Jwaloka pale eo ke e badileng hoseng ho hong. Mosadi o ne a howeletse monna wa hae, ya na tsohile phakela mme a tswa a reka pampiri ya hoseng, mme a ntse a bala pampiri ya hoseng. A re... Yena a re, “Tse ntjha di teng ditabeng na?”

A re, “Tjhe, ho a itshwanelo, ho mpa ho fapano batho.”

¹⁰⁸ Kajeno ho batla ho itshwanelo, ntho e tshwanang. Re na le mokgatlo o motjha, esale yona thuto ya kgale; empa e bokoditswe feela, motho e mong o thintshetsa sefahleho sa yona nqa *ena* kapa nqa *yane*.

¹⁰⁹ Lena ke letsatsi le letjha. Alleluia! Lena ke letsatsi leo e ka kgongang re tsohe mme re bonese, ka Matla a tsoho ya Jesu Kreste. Lefifi le tswakaneng le fuama lefatshe; eka kgona re fihlelwé ke letsatsi le letjha, e, ruri, ho e sebetsa ka moo A e sebeditseng. Empa phetlang Lentswe la Hae mme le bone tshepiso e baletsweng letsatsi lena, mme le tla tseba haeba le phela Leseding kapa tjhe. Ho fetola khalendara ha ho fetole nako; ho mpa ho fetola khalendara.

¹¹⁰ Jwale mamelang ka hloko. Le ke le etsise Davida, beang bokamoso ba lona letsohong la Hae. “Jwang? Ke tla tseba’ng hore ke etseng, Moena Branham?” Beang bokamoso ba lona letsohong la Hae. Ho sa tsottelehe se tlang le se tsamayang; aka Mo tshepe. Yena ke Lentswe, jwale tseba ke hona. Davida o itse, “Nako ya Hae e letsohong la Ka. Le itshepele Yena ka dinako tsohle. Tshepang Yena kamehla.” O tsebile Ya neng a fupere bokamoso, Davida o entse jwalo, ke ka hona a buileng sena. Ya tshwereng bokamono o Mong feela, ke Modimo. Ka baka leo, O tshwere e—e bokamoso, Mo dumelle ho o tshwara. Ke hantle.

¹¹¹ Batho ba bang ba re, “Empa, Moena Branham, ke lekile ka ba ka leka.”

¹¹² Empa bea butle motsotsso. Mamello ke molemo. Mamello ke molemo wa Moya o Halalelang. “Ba emelang Morena ba tla ntjhafatsa matla a bona.”

¹¹³ O re, “Na nka kgona ho ema ho feta moo?” Nno eme feela. Hoba o etse tsohle ho ema, aka eme, wa bona, ema feela. “Ke tla e etsa jwang?” Ema! O itse Ke Nnete, mme ke Nnete. O itse e tla etsahala. “Jwang?” Ha ke tsebe; empa e tla etsahala. O itsalo. O e tshepisitse. Haeba A e tshepisitse, e tla etsahala. Ke phetho. E ke ke ya thisa.

¹¹⁴ Ka baka leo hopolang jwale, Modimo o nkile dikete tsa dilemo ho phethahatsa tshepiso ya Hae ya Mmoloki ya tlang. Dilemo tse dikete tse nne, tseo Modimo a di nkileng ho phethahatsa tshepiso eo. Empa O tsebile, ho tloha tshimolohong, feela mohla e tla etsahala. O tsebile; ha ho e mong. O e tlalehile e tla etsahala feela. Mme yare ha e etsahala, batho keha ba tshwasitswe thetsong e matla, hofihlela ba sa tsebe mokgwa wa ho e amohela. Haeba ntho e jwalo ha e a etsahala hape! E etsa jwalo kamehla, ha e hlolehe, mahlokoreng a mabedi, kamehla.

¹¹⁵ O entseng mehleng ya dilemo tsee tsohle? O bontshitse dipapiso tsa ho tla ha Hae.

¹¹⁶ O e bontshitse ka ho Josefa. Hola la sheba bophelo ba Josefa; o ne a hloilwe ke banababo, a ratwa ke ntatae. Hobaneng? Hobane e ne e le motho wa moyo, hobane a bone dipono. Ba bang bona ba ne ba sa bone dipono; e ne e le bapatriareka empa ba sa bone dipono, ho fetolela ditoro. Empa ba eba mona ka yena. Mme a batla a rekiswa ka dikotwana tse mashome a mararo tsa silifera, a ntshwa lemeneng moo a neng a nnkuwa a bolaetswe teng, a dula letsohong le letona la Faro. Mme enereha a tloha teroneng, ho letswe terompeta, "Hlabang ka lengole; Josefa o a tla!"

¹¹⁷ Hantle feela seo Jesu a se entseng, ho dula letsohong le letona la Modimo. Mme mohla A tlohang Teroneng, teromepete e tla lla. Mme lengole ka leng le tla kgumama, mme ho bolelwe Jesu Kreste, Mora Modimo. Ka nepahalo.

¹¹⁸ O E bontshitse ka dipapiso tsa Davida, mohla a leng hodima... morena ya kgesitsweng ya nyaretseng Jerusalema, a lla. "Ke ratile hakae ho o kgurumetsa, jwaloka kgoho ditsuanyaneng tsa yona, empa o hanne."

¹¹⁹ Tlase ho theoha le mongwaha, O e bontshitse ka dipapiso, ho tseba ha ka tsatsi le leng papiso ya ho qetela e tla phethahatswa, mme ponahatso e tletseng ya Messia wa Hae ya tshepisitsweng e fihle mono. Mme mohla tshepiso e tletseng e fihlang, leha kwana A e bapisitse... Letsatsi ka mora letsatsi, selemo ka mora selemo, O e bapisitse. Mme eitse ha e fihla bonneteng, ha ba ka ba e dumela.

¹²⁰ O entse ntho e tshwanang, ho e bapisa, ho e bontsha mengwaheng ya kereke, le ntho e nngwe le e nngwe, hofihlela hora eo re phelang ho yona, mme batho ba lefifing le tswakaneng, ba bonahala ba sa e utlwisise. Ntho e mahlonoko hakakang!

¹²¹ Jwaleka ha O bona mohlankana ka ntle mona, a le motle, a le moholo, thaka le kwenneng le moriri wa hae, a o haretse jwaloka basadi, mme a kenye di-leotards, mme swetara e kgolo e leketlile, mme a rwetse dieta tse pherese. Bonna? Oh, kgidi, selo se tshabehang hakae ho bitswa monna! Selo se se kakang ho bitswa monna! Ke hantle.

¹²² Ho bona mosadi ya itseng, a loketse ho ba boleya mme a be motle, a tswa ka para ya marikgwe a monna, sakrete se hlahile molomong, mme a pomme moriri. Ke selo se nyarosang jwang ho bitswa mosadi! Jesu o bitsitse Maria, “mosadi.” Ha a lokelwa ke ho bitswa hoo: ke ntho e tshehadi feela.

¹²³ Lemohang, mme hora! Hobaneng? Ka dinako tse ding batho ba itlalehang mme ba nahana hore ba tshepahala, empa lefifi le tswakaneng le ba kentse nthong ena. Bibebe e itse ba tla ba jwalo. Balang Esaia 6 mme le fumane na basadi ba ne ba sa tlo etsa jwalo matsatsing a qetelo, hantle ka moo Bibebe e boletseng ba etsa. Ke Lentswe la Modimo. Jeremia le ba fapaneng ba buile ka hora ena eo re phelang ho yona jwale, hobane ba bone qetello esale qalong. Ka baka leo re bona dintho tsena, mme lefifi le aparetse batho.

¹²⁴ E, Modimo o nkile dilemo tse dikete, ho lahlela...ho bontsha dipapiso le ntho ka nngwe, mme qetellong mohla A fihlang ha ba ka ba Mo tseba, leha kwana A ne a pepesitswe ho Josefa le Davida le Elia, le bao bohole ho theoha jwalo. O ne a tshwantshitswe mmoho le bona, mme le jwale ha re utlwisise hobaneng ba sa E bona. Mme e ne e le eo, hantle ka hara Lengolo, “Ho tswa ho wena Bethlehema wa Judea,” O ne a tla tswalwa. Re fumana seo ka hara Mangolo, ka moo A neng a tla tswalwa, morwetsana. “Morwetsana o tla emola mme a tswale Ngwana, mme Lebitso la Hae a bitswe Emmanuel.”

¹²⁵ Ba Mo bolaetse’ng? “Hobane A Ipeile Modimo,” athe E ne e le Modimo. Ehlide, ba e amohela. “O itse O Ipeile Modimo, ho itekanya le Modimo, ho re, ‘Ke Mora wa Modimo.’” Hobaneng, E ne e le Yena!

¹²⁶ Bibebe e Mo boletse a tla bitswa, “Moeletsi, Kgosana ya Kgotsi, Modimo o matla, Rabosafeleng, ya Makatsang!” Ke seo A neng a le sona. Hobaneng ba sa utlwisia hoo?

Ha ho makatse ha A itse, “Le tlamehile ho batlisisa Mangolo.”

Ba itse, “Rona re barutwana ba Moshe.”

¹²⁷ Ho re, “Holane le barutwana ba Moshe, le ka be le Ntseba. Moshe o ngodile ka Nna.” Mme ha ba e tseba.

¹²⁸ Mme hora e boetse e hodima batho, mohla ba tla kena ditumelwaneng tsa bona le dinthong, sebakeng sa Jesu ya ratehang. Ke hantle. Dintho tse kgolo tsena tse hlahang, mme di ba kenya hantle lefifing homme lefifing le le ngata. Mme Modimo o e tlaleha Lentsweng la Hae, ka dipontsho le meeka mahodimong, le ho bonahatsa, ho bolela hantle feela dintho tse etsahalang ho fihlela horeng le motsotsong, se neng se tla etsahala. Mme le jwale ha ba phetse ho tsamaya

ka ho tshwana. Ho bonahala ba sa kgone ho e thusa. Batho ba lokileng, e, monghadi, ho etsa ntho e tshwanang le eo ba e entseng mohlang oo.

¹²⁹ Re dibopuwa tsa nako. Modimo ke dibopuwa tsa Bosafeleng... Modimo ke sebopuwa sa Bosafeleng. Ha A ka a qala mme A ke ke a ba le bofelo. Ka baka leo hobaneng o sa inhehele ho Yena? Ako lelale, mme o bonese ka thabo ya Lesedi la Lentswe la Modimo le bonesitseng kajeno. Hobaneng batho ba sa kgone ho bona Seo, metswalle?

¹³⁰ Mamelang, nna ke moena wa lona. Ke a le rata. Na ho ne ho sa tlo nnolofalla ho dumella, athe, le ho tswelapele mme ke re, “Oh, be, ke tla qekisa ka Hona, ke tla qeki-...”? Nna ha ke a boptjwa jwalo. Tjhe, monghadi. Haele Lentswe, ke Lentswe. Modimo a re thuse ho emela se lokileng! E, monghadi. Ho ka be ho itoketse, ehlile, o ne o tla phathatswa hangata mokokotlong. Empa seo nna, ke tla etsang mohla ke emeng mono ka Tsatsi leo mohla menwana e masapo e ntshupang sefahlehong mme e re, “O tsebile hantle ho feta, empa o sitilwe ho re bolella”? Shuu! Tjhe!

¹³¹ Ke tla itshwanelo le Pauluse, “Ha ke a ka ka tswafa ho le bolella Tshwanelo yohle ya Modimo.” Madi a motho a se fumanwe hodima ka. Le ke Le ye moo le ka yang teng. Ke Nnete. Modimo o a e tseba, mme O a e tshehetsha mme o re ke Nnete.

¹³² Ho fetohela ho eng, ho Moena Branham? Wena, o tla be o le sethoto ho etsa jwalo. Retolohela ho Kreste, mme Yena ke Lentswe! Retolohela ho Kreste!

¹³³ Sutha ditumelwaneng! Kena ka ho... Ha ke tsotelle, mohlomong o qadile ka tumelwana ya hao, dilemong tse makgolo a mahlano tse fetileng, hoo wena feela... Ha e bolele letho ho Modimo. Basadusi bao le Bafarisi ba qadile le pele le qala, mme ba tsuwa.

¹³⁴ Oh, le leka ho bea bopaki ba Moya o Halalelang e le diketso. Ke dumela diponahatsong tsa Moya o Halalelang. E etsang? Pentekosta e re, “Ho bua ka dipuo ke bopaki ba mantlha ba Moya o Halalelang.” Ke bone baloi le baupelli ba bua ka dipuo. Ke ba bone ba bua ka dipuo mme ba nwa madi ka hara lehata la motho, le ho porofeta mme a re Modimo ha a yo. Nkile ka kena diahelong tsa moloi moo ba beang pensele tafoleng mme a e tlolakise-hodimo-le-tlase, mme e ngole ka maleme a sa tsejweng le ho e hlalosa. Ke hantle. Hoo ha ho amane... Leha kwana, ke dumela Modimo a bua ka dipuo tse sa tsejweng ka batho ba Hae. Empa le toboketsa taba eo haholo, “Hobaneng motoloki a tlameha ho ba teng? Hobaneng e tlameha ho ba molaetsa o yang kerekeng?”

¹³⁵ Ebe moo lona batho, le reng, “Ditholwana tsa Moya, re tseba jwalo. Lerato, thabo, re bo fumane e le bona bopaki.” Ke

bona? Le tla be le hlotswa ke Bokreste ba Mahlale. Ba hlakisa hoo ho feta lona Mapentekosta, Mamethodise, le Mabaptise, le kopane mmoho.

¹³⁶ Shebang se etsahalang. E reng ke le bontshe ditholwana tsa Moya, mme le bone haeba le ka hlola le e sala morao. Ha re nkeng Jesu. Modimo a ntshwarele mantswe ana ke tilo a bua; ke tilo ema kgahlano le Yena motsotsotso feela, ho le bontsha, ho nka kansele ena ya monna mona, le kansele ena ya monna thapama ena. Ke tla re...

¹³⁷ “Benghadi, Thaka le teng tikolohong ena, Lebitso la lona je Jesu wa Nazaretha, le se ke la amana le Yena ka letho! Ke mang wa pele... Bibele ya rona e re ruta’ng? Modimo o lerato. Ya fihlileng pele mohla o tswalwang ke mang? Moprista wa hao wa kgale, e mosa. Ke hantle. Ke mang ya o etetseng mohla o hlokang, o se na tjhelete, mme a o adima tjheletana? Moprista wa hao wa kgale, e mosa. Ka nepo. Ke mang ya beileng letsoho la hae lehetleng la hao kapa lehetleng la mme wa hao, mohla le batlang le arohana, mme a le rapedissisa la kgutlela ho Modimo? Moprista wa hao wa kgale, e mosa. Ke mang ya o emetseng, mohla wena le moahisane wa hao le qabaneng, mme a le kgutlisetsa bolekaneng? Moprista wa hao wa kgale, e mosa. Ke hantle. Ke mang, mantswe a ho qetela a tla buwa ke mang hodima hao ka letsatsi leo mono? Ke mang? Ba tla o nyahlatsa o robetse mono o puta; empa moprista wa hao wa kgale, e mosa o tla fihla a o hlohonolofatse, mme a laeletse Lentswe la Modimo ho o feheletsa. Moprista wa hao wa kgale, e mosa!

¹³⁸ “Ho ka thweng ka Mokola ona o bitswang Jesu wa Nazaretha, ka hona, wa bona, O tswa sekolong sefe? Moprista wa hao wa kgale, e mosa o ne a tlamehe ho etsa sehlabelo, bophelo bohole ba hae. Ntataemoholo e ne e le moprista. Ntata-nata-nata-nata-nataemoholo e ne e le moprista. O qetile nako ya hae yohle mokgatlong. O rupetswe Lentsweng; o tseba seo a buang ka sona.”

¹³⁹ Jwale re bua ka ditholwana tsa Moya: mosa, lerato, thabo, kgotsso, kutlwisiso, tiisetso, mamello, wa bona, tholwana ya Moya.

¹⁴⁰ “Le reng ka Jesu enwa, O tswa kae? Ha re fumane lentswe le reng O kile a kena sekolong se itseng. Sohle A se etsang ke ho leka ho heletsa dikolo tseo re di hahileng.” Ha ho tholwana tse kaalo tsa Moya mono, na di teng?

¹⁴¹ “O entseng hodimo mono mohla barekisi bao tlase mono, le borakgwebo ba tlamehileng ho... Bao, ha ba rua dinku, ka hona ba—ba hloma hoko mono hore monna a tle a kene le nku. Rakgwebo eo wa batho, o—o batla ho nyehela nku, hoba e le tlhoko ya Modimo. O tlisa e—e nku, ho rekisetra rakgwebo, a tle a e hlahisetse moyo wa hae. Jesu enwa wa Nazaretha o entse’ng? O rahile ditafole tsa kanama; a nka leratswana

mme a le loha, a shapa baprista a ba ntsha mono; mme a bitsa moprista wa hao wa kgale, e mosa, ‘noha ya jwang; moikaketsi’!”

¹⁴² Jwale na hoo le ho bitsa tholwana ya Moya? Ehlide lekgale. Jwale tholwana ya hao ya Moya e wela kae? Jwaloka ha o ka nahana ka kutlwelobohloko, mme ke eo O phollelsa hara bongata ba batho mono, bongata bo robetseng, difofu, diritsa, ba hlomohileng, ba dihole, ba shweleng ditho, ba shweleng bohatsu, mme a se ke a fodisa le a mong wa bona; o na le kutlwelobohloko. Batho ba mohopolo wa nama ha ba sa tla E tseba. Dikoleshe tsa thupelo ha di E rute. Ke tshenolo. Ehlide. Mono tholwana ya Moya e a foforesha, ha e etse jwalo? Baprista bao ba ne ba ena le tholwana tsa Moya tse menahaneng ha leshome ho feta.

¹⁴³ O ka tseba se lokileng jwang? Ponahatso ya Lentswe le builweng la Modimo le totobatswang, Lesedi la hora. Ehlide. Ke hona moo bopaki ba Moya o Halalelang bo leng teng, ho dumela Lentswe la Modimo ha Le bonahetswa. Yena e ne e le Lentswe, le bonahetseng. Mme bang ba Le hanne, ba Le ja ditsheho, ba Mo soma mme ba Mo bitsa e-e seNoweramahlohonolo, moya o itseng o mobe; bopaki ke boo, ho bua ka dipuo, ke boo bopaki ba ditholwana. Bona feela bopaki bo leng teng, keha monna a dumela Lentswe le ngodilweng. Ha Le netefatswa, tsamaya Leseding la Lona. Jesu e ne e le Lesedi la hora hoba E ne e le Lentswe le tshepisitsweng la hora, mme o lekile ho ba bolella jwalo, empa haholo—haholo ba na dutse lefifing ho Le utlwisia. Ho jwalo, le kajeno, jwale.

¹⁴⁴ Jwale dibopuwa tsa nako, re tsona. Ditsela tsa hao o di laeletse Yena, mme O tla atlehisa bokamoso, hobane re Mo bona ka moo A leng kateng Lentsweng.

¹⁴⁵ Le Mmone a netefatsa Lentswe la tshepiso ya kajeno. Le e bona ka dipontsho tse hodima kgwedi. Le e bona ka hara dikereke. Hopolang.

¹⁴⁶ “O itse, ‘ka hara kereke,’ hoo ho amana le kereke kang?”

¹⁴⁷ Nakwana feela. Kgwedi e thswantsha kereke. Jerusalema ke kereke-motse wa kgale ka ho fetisisa e tsejwang lefatsheng. Melkisedeke o tswile motseng oo; Morena wa Saleme, Morena wa kgotsi, Morena wa Jerusalema. Ke hantle, motse wa kgale ka ho fetisisa lefatsheng. Mme e ne e le kgwedi, jwaleka moo molao o neng o hlongwe, mme ke mona ho hlaha leqhubu la lefifi la Baditjhaba le o kwahela. O itse, “E—e kereke e tla hatakela marako a Jerusalema ho be ho fele lekgatshe la Baditjhaba.” Mme ke ena moo e leng teng. Re phela hantle hara yona. E boela e kgutla hantle, ruri jwaleka ha lebitso la ka e le William Branham. E, monghadi, re ka e bona. E sirilwe, e bapisitswe ka seriti, ho bolelwa pele; ho bitsa Mokgethwa. Ba tswelapele ba kgasa lefifing, ba bang bohle, ha ba ntse ba tsamaya. Ho lokile.

¹⁴⁸ Jwale re bona Lentswe la Hae le netefaditswe. Re a dumela. Ka baka leo haeba A netefaditse Lentswe la kajeno, Ke eng, ke tsoetellang ka se tliswang ke selemo se tlang? Ke tsotella selemo se tlang kang? Ke tsotellang ha ke phela kajeno kapa ke shwa kajeno? Lentswe ka leng A le tshepisitseng le tla netefatswa, le leng le le leng! Haeba A kgona ho e etsa kajeno, kamora ho e tshepisa dilemo tse dikete tse pedi tse fetileng; le haeba e le dilemo tse dikete tse lekgolo, kajeno, Jesu o tla kgutlela lefatsheng ka mmele o bonahalang, ho tlela Kereke, e—e Molopollwa, Monyaduwa, le ho Mo nka ho mo ntsha mona. Ho sa natswe se tlang, se tsamayang, difeshene, ho re “tswelapele,” mme batho ka nna ba qaputsa botshong bo tletseng mme ba nna ba dumela ntho efe feela ba batlang ho e dumela, empa Jesu Kreste o tla boela a kgutla. Ke tshepela bokamoso ho Yena, ke hona. “Morena Modimo, ha ke tsebe seo bokamoso bo se fupereng, empa ke tseba Ya fupereng bokamoso.”

¹⁴⁹ Lentswe la Hae le itshwanelia le simfoni e kgolohadi feela. Ba bakae ba kileng ba utlwa simfoni? Be, motho e mong le e mong. Jwale, hopolang, simfoni keha mmino o bapalwa terameng. Ke a kgolwa ke nepile moo, simfoni. “Petrose le Phiri,” le sa e hopala, pale ya kgale ka moo ba neng ba... Nkile ka e utlwa, ka moo ba tshwarang meropa mme ba etsise e—e nonyana e kobolang patsi, mme Petrose a tswe, mme le phiri ka mokorotlo wa yona, le ho butswelwa ha manaka; simfoni.

¹⁵⁰ Jwale, ha o sa utlwisisi simfoni, ho wena ke letomotomohadi la malepa, ha o sa e utlwisisi. O tlameha ho utlwisisa seo e leng sona. Ntho yohle e etswa ka dipontsho le ka dikgato, empa simfoning ena ho manollwa terama. Jwale, re a elellwa, motho a le mong ya utlwisisang simfoni ke moqapi le ba thahasellang ho e tseba, ba tseba diphethoho, ba tseba se etsahalang.

¹⁵¹ Moqapi o tseba kgato ka nngwe, ho tloha qetellong ho ya qalong, ho tloha qalong ho fihla qetellong. Na le ne le tseba seo? Motho ya e ngotseng, o qapa ntho ena, o tseba makopano a mang le a mang a manyenyane. Efela ha a tseba makopanelo a mang le a mang, le molaodi o loketse jwalo, ho e ka tsamaisa. Jwale o ka thatela tumelwana ya hao jwang nthong eo? Sephanyana se le seng sa molangwana oo, pontsho eo, tshwao le leng le phoso makopanelong, le ka lobokanya ochestra yohle, ho faposa simfoni yohle. Jwale le a tseba seo ke nnete. Moqapi le molaodi ba tlameha ho ba moyo a mong.

¹⁵² Ke ka baka leo moreri le Lentswe la Modimo, Simfoni e kgolo ya Modimo E sa le e bapala ho qala mafubeng a nako; moreri, Lentsweng, ha a tlameha ho sheba mona mme a re, “Ke dumela sena se tlamehile ho ba teng; le tlamehile ho Le etsa tjena.” O tlameha ho kgema ka moo leqephe la Mmino le

e laelang ho etsuwa. Le Evangedi e tlameha ho rerwa jwalo, ka moo Lentswe le reng E nkwe kateng. Le a tseba, ha o ka omela ka tumelwana Mono, o silafatsa ntho yohle. E tlameha ho tloha mme e nepahatse terama hantle.

¹⁵³ Molaodi o loketse ho latela seo moqapi a se buileng, ho tjhaya jwalo hantle, mmino. Jwale shebang, sohle se etswa ka matshwao, mme eka kgona ebe tshwao le tshwaneleheng, ho letsa modumo o loketseng.

¹⁵⁴ Pauluse o itse, “Ekare ha terompeta e letsa modumo o sa kgethweng, ke mang ya ka itokisetsang ntwa?”

¹⁵⁵ Jwale le a bona Moqapi, Modimo, Ya ngotseng Bibele, ke tshenolo ya Jesu Kreste ka botlalo. O tsebile diphetoho tsa nako. Mme monna, e—e molaodi ya ba tsamaisang, pontsho ya mongwaha, e tlameha ho kgema le matshwao a Bibele hantle. Alleluia! Kgele, kgele, kgele, kgele!

¹⁵⁶ Oh, moena, kgaitsemi, molato keng ka lefatshe? Hobaneng ke hlanya? Phoso e teng kae-kae. Ha ho kutlwano pakeng tsa simfoni le leqephe la Mmino! Ba rala tumelwana ya kereke le ntho ka nngwe, athe Lentswe ke lona le tlamehang ho rerwa, ho bonahatswa. Phoso e teng ka balaodi, ke moo sehlopha sohle se ferekaneng, mme ha ba tsebe ba etseng. Bohle ba maketse, “Ho etsahetseng? Hobaneng *see* se hlahile? Eng, *see* se hlahile jwang? Sena, seo se etsahetse jwang?” Ha ba tsebe hore ba etseng jwale. Ho hasana, kahobane ha se a kena kutlwanong le Lentswe. Ke bona bothata, ka seo re se bitsang, tsoselotso ya rona ya letsatsi la qetelo. Ke bona bothata ka molaetsa wa rona wa Pentekosta. Re tlaila tjhao ya Bibele, re tlohile ra ya hlophisa jwaloka ha ba entse morao mono. E tlaitse tjhao.

¹⁵⁷ Modimo, ako hauhele. Eka nka be ke tshwere mantswe ho E thopothetsa, ka moo e neng e le kateng, ke tle ke e jale mme ke E tshele ka hare.

¹⁵⁸ Ha o bone na, moena wa ka, kgaitsemi, e tlamehile ho kena kutlwanong? Molaodi o tlamehile ho kgema le Lentswe. Ha Le bua ntho e nngwe, o se ke wa bua ntho ese; e tla fana ka pontsho e phoso, ebe ntho yohle e tlaila morethetho. Ke hantle. Lentswe la Modimo ke sympathi e kgolo, simfoni, ke rialo. Ntshwareleng. O tshwanela ho qala jwaloka ha A entse, Mminong. O tshwanela ho qala le Yena. Lemohang, kenang morethethong wa Lona.

¹⁵⁹ Ho re, “Be, ke ngodisitse kerekeng.” Hase morethetho oo. “Ke entse jwalo.” Hase morethetho oo. “Ke nyolohetse aletareng mme ka—ka re, ‘Ke a dumela Jesu Kreste e le Mora Modimo.’” Satane o etsa jwalo le yena. Hase morethetho oo. Wa bona, o tlaila mohobel. Ho etsahetseng? Mohlomong

molaodi e mong o o boleletse, “Tsukutla letsoho mme o ngole lebitso la hao bukeng; ngodisa tlapong ya rona, mokgatlo wa rona.” Bohle le tlaila mohobel!

¹⁶⁰ Ere ha ntho ya nnete e qala e etsahala ka ntle mona hara sehlotschwana, o re, “Be, le reng ka *Hoo*, ba tswile kutlwanong.” Ako kgutle Lentsweng o bone ya tswileng kutlwanong ke mang. Ako bone seo Modimo a se tshepisitseng. Ako bone seo Moqapi a se buileng ka Lona.

¹⁶¹ Wa bona, hara letshwele la hao o fumana motho e mong le e mong. Ke ka baka leo lefatshe le qamakang. Athe kereke e tlamehile e be e shejwa e le naledi e phatsimang, e tjhabileng, Lesedi le dutseng hodima thaba, leo motho a sa tlo tjhaba ho le feta, ho seng motho ya ka E ahlolang.

¹⁶² Mme, kajeno, lefatsahe le iqabola ka yona, hobane balaodi ba tswile kutlwanong le Moqapi. Le bona seo ke se bolelang? Ba tiletsa dintho tse siyo ka Mono. Diletsi di batla di sa tsebe di etseng jwale; kereke, bohole ba tshophahane. Esale re bua ka dintho tsena tsohle, dilemo tsohle, mme re e ahlola, mme jwale re ikopanya le yona hantle. Oh, phoso e teng kae-kae.

¹⁶³ Lemohang, o tlameha ho qala Mminong jwaloka ha A entse, ho kena morethethong wa Lona, ho kena Lentsweng la tshepiso. Ho bona ka moo A e sebeditseng kateng tshimolohong, ho bona ka moo A e sebeditseng mongwaheng o hare, ho bona ka moo A e sebetsang jwale, kamehla e a tshwana.

¹⁶⁴ Shebang molaodi, ka moo a e sebetsang kateng. Haeba a sa e etse, haeba a o supisa mokgatlo o itseng; ha ho molaodi Ya kileng a etsa hoo. Kamehla molaodi o tla o supisa Lentsweng. Baporofeta ba kgale, ba ne ba supa Lentsweng. Bona e ne e le Lentsw. Ba ne ba phela Lentswe. Mme hoo ha etsang? Ha bonahatsa Modimo. Hoo ha phedisa Lentswe le ngotsweng la letsatsi leo, hobane Le ne le tlide ho bona. Le ne le senoletswe bona. Leo e ne e le Lefika la bona. Alleluia!

¹⁶⁵ Jesu Kreste, Lentswe la Modimo, ke Lefika la rona. “Hodima Lefika lena Ke tla haha Kereke ya Ka,” Lentswe la Modimo le senotsweng. Shalom, ho modumedi wa makgonthe. Kgotsi! Re nakong ya qetelo. “Hodima Lefika lena Ke tla haha Kereke ya Ka,” tshenolo ya Lentswe.

¹⁶⁶ E mong o itse, “Be, O monna e moholo. O jwaleka Moshe. O monna e moholo. O jwaleka . . .” Ha se yona.

Empa tshenolo e itse, “Wena o Mora Modimo.”

¹⁶⁷ Ho re, “Nama le madi hase tsona tse o senoletseng Hona, empa Ntate wa Ka ya Lehodimong. Hodima Nneta ena e senotsweng, Ke tla haha Kereke ya Ka.”

¹⁶⁸ Ke eng? Yena ke Lentswe. “Lentswe le ne le le tshimolohong, mme Lentswe le ne le le ho Modimo, mme Lentswe e ne e le Modimo,” mme Lentswe e sa ntse e le

Modimo. Yena feela, o a tshwana kajeno, ho Iponahatsa ka moo A kileng a etsa; Moshe le Elia, ho theoha jwalo, le Jesu, mme esale Modimo oo kajeno, ho Mo etsa “Jesu Kreste maobane, kajeno, le ka ho sa feleng,” Baheberu 13:8. Wa bona, ba ne ba sa o supise seholpha. Ba ne ba o supisa Motho, ho o supisa Lentswe, Modimo.

“Nka qala kae, Moena Branham?”

¹⁶⁹ Sefapanong, aka qale le Yena Sefapanong. “Baka, dumela Lentswe,” ke seo Bibele e se buileng. O ntano latela morethetho wa Lentswe lohle.

O ka re, “Be, ke tla etsang?”

¹⁷⁰ Tswelapele feela o sale morethetho wa Lentswe morao. Ha “pako” e le ntho ya ho qala, ho ellwa, aka etse hoo, ke kgato ya hao ya pele. Kgato ya hao e latelang ebe moo Lentswe le bolelang teng. Jwalo, jwalo le jwalo, mme o hwante le Yena ho tswella jwalo.

¹⁷¹ O se ke wa kgaola morethetho haeba o le karolo ya simfoni ya Modimo. O se ke wa thefula morethetho wa Lentswe. O se ke wa botsa, “Be, hobaneng? Hobaneng ho etsahetse see? Ke e lekile, Moena Branham, mme, eitseha ha ba nteleka, o tseba seo ke se entseng? Ka batla ke bolawa ke tlala.” O se ke wa botsa lebaka. Ke Yena ya tsebang morethetho, ka moo o tlamehang ho fetoha kateng, le hore o tla ja methinya efe, e, monghadi, hobane E ngodilwe. O tseba tsolah ka Lona. O tseba morethetho. O se ke wa botsa lebaka. Le dumele!

¹⁷² Modimo esale a theoha a tsamaya le nako ya histori, ka Lentswe la Hae la tshepiso, mongwaheng o mong le o mong, mme ha eso hlollehe (ho thefula) morethethong, ka Matla a Modimo, mohla Le ne le fihla ho bakgethwa le ho batho ba netefaditsweng. Morethetho wa Lentswe la Hae matsatsing a Nowe, morethetho wa Lentswe la Hae matsatsing a Nowe, matsatsing a Moshe, matsatsing a Elia, matsatsing a Johanne, matsatsing a Davida, matsatsing a Jesu, ho theoha jwalo, O baballa morethetho wa Lentswe, ho theoha jwalo, ha Le eso thefulwe. Esale A theoha ka histori. Mme Peo e e kgethiliheng, e Le boneng mme ya Le dumela, e a amohela e wela morethethong oo wa Lona.

¹⁷³ Ba bang ba re, “Be, empa kereke e re...” Hoo ha ho amane le Lona ka letho. Ha o a tswallwa ho etsa hoo.

¹⁷⁴ O tswaletswe Lentsweng, hoba o tswetswe ka ho Kreste. Kreste ke Lentswe, e, monghadi, e mong le e mong mongwaheng wa hae.

¹⁷⁵ O re, “Be, feela ke tla o bolella, Moena Branham, ha ke kgone ho sheba pele.”

¹⁷⁶ Ako shebe hodimo he. Modimo o tshepisitse, ha o ka lelala, wa Mmona; shalom, kgotso, kgotso ya Modimo e be le wena.

¹⁷⁷ O re, “Ebe hobaneng ba bang ba ntshoma, Moena Branham? O a tseba, ba bang ba ntshoma, mme ba re ke—ke ‘moriri o molelele,’ ke ‘itshwere sekgale,’” ho basadi. Ho monna, “Erekaha ke dumela Bibele, ‘O kgaotswe bolekaneng ba rona. Re ke ke ra o amohela hobane o—o dumela *hore-le-hore.*’”

¹⁷⁸ Mme o a tseba ke ho latela ka moo Lengolo le ngotsweng. Modimo o tlamehile ho wena, ho tshehetsha Hoo ke hona. Ruri O jwalo. O se ke wa tsotella hoo, hobaneng ba bua ba e soma. Modimo ke Modimo o boulelang. Hopolang, ho utlwiswa bohloko ka baka la Lentswe la Hae ke mahlaba a kgolo a mohau wa Hae. Ha o utlwa bohloko ka baka la Lentswe la Hae, e mpa e le mahlaba a kgolo.

¹⁷⁹ O a tseba ngwana e monyenyan, wa dilemo tse leshome, leshome le metso e mmedi, o a opelwa. Ho kena, ho re, “Mama, diphaka tsa ka di a opa le meomo ya ka e a opa,” jwalo-jwalo. Ke mahlaba a kgolo. Ke sesupo sa hobane o fumana divithamine tse ntle. O ntse a hola.

¹⁸⁰ Mme ha motho a qala a o soma, ho re, “O itshwere sekgale. Mo shebeng, o a . . . Oh, ke tla o bolella, o ne a ye a . . .” Ho lokile, ako hopole feela, ke mahlaba a kgolo. Ke hore hloriso eo e molemo ho wena. Ke mahlaba a kgolo.

¹⁸¹ Oh, e, O dumella makeno le difapano tsa tsela le makopanelo. O etsa jwalo kamehla, e le ho re phethisetsetsa mosebetsi wa Hae. O dumella dintho tseo ho hlaha. Ha le utlwisise na? [Phutheho e re, “Amen.”—Mong.] O etsa jwalo hore A tle a o phethisetse pitsi A o bileditseng yona. Ao ke mahlaba a hao a kgolo. O kile a sebetsa Daniele jwalo, le a tseba.

¹⁸² O ne a sebetse bana ba Baheberu jwalo, seboping sa mollo. Sebopi sa mollo se ne se etseng? Sebopi se mpile sa kgaola mahlahlela a neng a ba tlamile. Ke phetho seo sebopi se se entseng, ho kgaola ditlamile.

¹⁸³ Ka dinako tse ding ho qosa diteko ho re kgaola lefatsheng, ho o ntsha lefatsheng. Ekaba, ho o ntsha tumelwaneng ya hao, pele. Jwaleka monna ya nwelang metsing, o tlameha ho mo inola pele nokeng pele o ka ntsha noka monneng eo. Ka nako tse ding Modimo o tlameha ho e sebetsa jwalo. Ho ba dumella ho o kgarameletsa ntle, ka nako e nngwe, ebe moo ba ntshang lefatshe ka hare ho wena. Ho tshwanelo—ho tshwanelo ho o ntsha lefatsheng, pele. Ka dinako tse ding mahlaba ana a kgolo ke wona a hlahisang hoo. Oh, e.

¹⁸⁴ Modimo o ema hodima Lentswe la tshepis selemong se seng le se seng se setjha. O ema hodima Lona, selemong sena, ho phethahatsa seo A se tshepisitseng selemo sena. E ka bang eng, ke batla ho ema setsing sa thato ya Hae bakeng sa hosasane, jwaloka ha ba kile ba etsa.

¹⁸⁵ Jwaloka Abrahama, mohla a thulanang le makeno a hae a ditsela, a sa tsebe ka moo a tla e sebetsa kateng. Modimo wa re ho yena, "Ke tla o nea mora." O kile a le emela dilemo tse mashome a mabedi a metso e mehlano. Qetellong mora a fihla, yaba Modimo o re, "Jwale, ka mora enwa, Ke tla o etsa ntata ditjhaba-tjhaba. Nyoloha mono le yena mme o mmolaye. Nyoloha le yena mme o mmolaye," ho phumula ntho a sale a e emetse dilemo tse mashome a mabedi le metso e mehlano. "Nyoloha le yena mme o mmolaye."

¹⁸⁶ Abrahama ha a ka a touta. Ya se ke ya mo tshwenya. A nka patsi a e hlwellisa mokokotlong wa eselana, mme a nka mora wa hae. A mo nyollela qhoweng ya leralla, ho mo etsa sehlabelo, hobane Abrahama o tsebile a mo fumane jwaleka ya seng a itjhweletse; popelo ya Sarah e ne e shwele, o ne a omeletse, kgonahalo e le siyo. Mme moshanyana . . . A le dilemo tse lekgolo, mme yena a le mashome a robong, ka baka leo o tlile ka Lentswe la tshepiso. Wona Modimo o entseng tshepiso, ho re, "Ke tla o etsa ntata ditjhaba," ka mora dilemo tse mashome a mabedi a metso e mehlano, mme yena a le dilemo tse lekgolo, yena le mofumahadi wa hae ba fumana ngwana. Ha Modimo a fela a mo laetse ho mo etsa sehlabelo, Modimo o tsebisisa ho mo tsosa. Amen.

¹⁸⁷ Ho bokwe Modimo, baena. Ke ikutlwang monate. Ke ikutlwang monate! Ke tseba ntho e le nngwe ena, O kgona ho boela a mo tsosa. Re tla ema hodima Lentswe leo la Lesedi la hora ena le sa silafalang! Modimo o tla boela o re tsosa mohla moloko wona o hlhang, jwaleka Masedi a phatsimang kgahlano le moloko wona. Amen.

¹⁸⁸ Ha ho makatse ha A itse, "Mofumahadi wa Borwa o tla ema Kahlolong, le moloko wa hae, mme a tswe wona; hobane o ne a tswe dipheletsong tsa lefatshe, ho utlwa bohlale ba Salomone, mme, bonang, e moholo ho Salomone o mona." Ka moo mofumahadi e monyenyan eo, tlase kwana, mohetene, a boneng Lesedi leo, mme a tla a haola dimaele hara lehwatata, dikgwedi tse tharo mokokotlong wa kamele, ho utlwa bohlale ba Salomone, mme bao keha ba eme mono hantle, Salomone e leng papiso, setshwantsho sa Hae.

¹⁸⁹ Le ho tla jwalo re bona Wesele, Luthere, le ba bang bohole, diphutheho tsa bodumedi morao mono, e leng setshwantsho le papiso ya se etsahalang jwale, mme ba Le feta mohwalotsu feela. Oh! Ho itoketse.

¹⁹⁰ Hobo, selemo se setjha se rerilwe ke Modimo, le wena ako itherele ho ema Lentsweng la Hae ke hona. Tsamaya moo Lentswe le reng ho tsamauweng teng, re sa fihla ho kwaleng, jwaleka ba bang, Peo e kgethilweng ka moo e sebeditseng letsatsing la bona mohla ba neng ba bona Lentswe. Ba entseng ka lona? Ba tsamaile ho Lona, haeba e ne e le Peo e

kgethilweng mengwaheng e meng, hobane Yena ke Lentswe le sa hloleheng. Ba ba kae ba dumelang hobane Jesu Kreste ke Lentswe? [Phutheho e re, “Amen.”—Mong.] Oh, kgidi!

¹⁹¹ Ke utlwile lenaneo tsatsi le leng, la bodumedi bo itseng ba batho, Mongh. H. M. S. Richards o ipoletse a “ngotse buka ya selemo.” Ha ke batle ho banana le monna ya kang eo. Leha kwana, ka ho ba Mosabatha, ha ke dumelane le thuto ya Masabatha, empa ke hlile ke rata monna eo. Empa ke tlilo banana le yena. Eo e ka ba buka ya H. M. S. Richards ya selemo se setjha.

¹⁹² Empa Buka ya ka le Buka ya hao, ya selemo se setjha, ke Buka ya selemo sa kgale, Bibebe, Lentswe la Modimo. Etsa hore Le phele seo Le tshepisitseng ho se phela. E, monghadi. Mme selemo ka seng se tlang ha se fihla, le selemo ka seng se kileng sa ba teng, Ke Modimo wa Bosafeleng o phelang ka Lentswe la Bosafeleng leo A le buileng, hodima Nneta e nngwe le e nngwe ya Bibebe le tshepiso e nngwe le e nngwe e ka hara Yona e netefaditswe, jwaloka ha ekile ha etswa dilemong.

¹⁹³ Ka moo Modimo a tshepisitseng a tla senya lefatshe ka metsi, mme O e netefaditse ka Moshe... kapa ka Nowe.

¹⁹⁴ O tshepisitse A tla romela molokolli, le ho ntsha Israele Egepeta; ba se ba jakile dilemo tse makgolo a mane. O entse hona hoo hantle.

¹⁹⁵ O anne hore O tla hlahisa Davida, le ka moo Davida e neng e tla ba e—e mora; Kreste e be mora wa hae, ka Davida ho tle Kreste. Ka moo A anneng hore O tla etsa hoo; O entse hona hoo hantle.

¹⁹⁶ O tshepisitse A tla romela Johanne Mokolobetsi, pele Jesu Kreste a fihla. O entse hona hoo hantle.

O tshepisitse A tla romela Messia. O entse hona hoo hantle.

¹⁹⁷ O tshepisitse lefatshe le tla kena senkgomeng sa mekgatlo mme ba thee tsamaiso, matla, a tsejwang e le sebata, mme se tla be se dutse hodima maralla a supileng mane. Le entse hona hoo hantle.

¹⁹⁸ Ka moo kereke e tla be e ba hlorisa, ho isa lefung! Ba entse hona hoo hantle.

¹⁹⁹ Ka moo ba tla tswa hlabollong! Ba entse hona hoo hantle. Ka moo A tshepisitseng madulo a mongwaha o mong le o mong kateng!

²⁰⁰ Mme O tshepisitse le mongwaha ona. Mme ke enwa moo A leng teng, kajeno, ho phedisa Lentswe leo, hantle feela ka moo A entseng tshimolohong. Ehlide.

²⁰¹ Mme etlare ha tshepiso e phethahatswa, “lefu le metsitswe ke tlholo,” Jesu o tla tla; mme wa ho qetela o tla netefatswa,

ebe moo ho fihlang kgotso ya Bosafeleng hodima lefatshe, le shalom ya Bosafeleng. Shalom ya Bosafeleng, kgotso, e tla aparela lefatshe.

²⁰² Mohla Jesu a ne a fihla, Kgosana ya Kgotso, hobaneng kgotso e sa ba teng? Hobane Lentswe lohle le ne le sa phethwa letsatsing la Hae. O Le phethahatsa kajeno. Empa etlare ha Lentswe lohle la Hae le tshepisitsweng, leo e neng e le mohopolo wa Modimo...

²⁰³ *Lentswe* ke “mohopolo o pepeswang.” Modimo, mohopolong wa Hae, o Le nahanne, mme wa Le pepesa ka baporofeta ba Hae, mme jwale Le tlameha ho phethahatswa. Mme, hodima, A re boleletse dintho tsena re tle re se etse phoso mme ra tlatselaka lefifing ke hona, ha re e bona e phethahatswa.

²⁰⁴ Jwale, O tshepisitse ho romela Kreste kgetlo labobedi. Mme nako le nako ha A etsa jwalo, ha Kreste a tla kgetlo labobedi, ho tla fihla shalom ya Bosafeleng.

²⁰⁵ Mamelang, metswalle, re sa kwala. Hopolang, Bibebe ke sediba sa bohlale bohle. Ha E tswe ho Ngaka, Ph.D., LL.D. E tswe Lentsweng la Modimo.

²⁰⁶ Mono keha ho dutse Dingaka tsa Kgalalelo, makgolo a tsona, mme Moshanyana wa dilemo tse leshome le metso e mmedi a ba phepetsa, kahobane E ne e le Lentswe. Moshanyana o ne a se na thuto ho hang, leha ho le jwalo E ne e le Lentswe. Hoba E ne e le Lesedi le builweng la letsatsi leo, O ne a bonahatsa Lentswe leo. Lentswe le ne le le ka ho Yena. Le ne le loketse jwalo. Ha ho makatse ha seo A se buileng se etsahetse, kahobane E ne e le Lentswe. Le a utlwisisa na? Bohle ba utlwisisang, e reng, “Amen.” [Phutheho e re, “Amen.”—Mong.] E ne e le Lentswe.

²⁰⁷ Hopolang Bibebe, e seng buka-ya-selemo e ngotsweng ke monna ya itseng. “Lentswe la motho e be leshano, empa la Ka e be Nnete.”

²⁰⁸ Mme boraseng le ditumelo, le—le dintho tse jwalo, tsohle di lobokana hona ha o kopanya sehlopha sa banna ho Lona. Modimo ha o ke o sebetsana le sehlopha se jwalo. Hola Jesu a ka fihla kajeno, na A ka emela Mamethodise, le Mabaptise, le la Masabatha, Dipaki tsa Jehova, Bokreste ba Mahlale, Mapentekosta, Mapresbeteriene? Tjhe, monghadi. Ruri A ke ke a etsa jwalo.

²⁰⁹ Ke taba ya motho ka bomong, wena le Modimo. Ha ho banna ba babedi ba bonang leihlo ka leihlo, ka ho tshwana; ha ho menwana e mmedi e metona e tshwanang. Modimo o sebetsana le motho ka bomong. Mme o tseba jwang haeba a nepile kapa tjhe? O ntano hetla morao mme o shebe haeba a

eme le Lentswe. Haeba a eme le Lentswe, etlaba Modimo o sebetsana le yena; haeba a se jwalo, ntho e teng e sebetsanang le yena. Wa bona? Ke hantle.

²¹⁰ Hopolang, Bibebe ke sedibs sa bohlale bohole, mme e tshwere ka ho Yona ditshepo tsohle tsa hosasa. Shalom, kgotso ya Modimo!

²¹¹ Jwaleka ha nkile ka phethelwa pale, ya moshanyana a na lahlehelwe ke ntatae a sa ka a hola ho lekaneng ho bona ntatae; esale lesea mohla ntatae a ne a hlokahala. Tsatsi le leng a ka ba leshome, dilemo tse leshome le metso e mmedi. O ne a ena le moena e mong, ya bitswang John. A ya ho moena wa hae, mme a re “Uh, John,” a le moholwanyane ka dilemo, ho re, “na wena, o sa hopola ntate?”

Ho re, “Eya.”

Ho re, “O ne a le jwang?”

²¹² Ho re, “Be, e ne e le monna e molelele, mme e le monna ya lokileng. Kamehla a le mosa ho mme, mme a le mosa ho—ho nna, a bile a le mosa mothong e mong le e mong.”

A re, “Be, ke phetho seo o se tsebang ka yena, John?”

²¹³ O itse, “Be, ke tla o bolella.” Ho re, “Henry,” ho re, “mang le mang o re ke—ke ne ke tshwana le yena.” Mme a re, “Mang le mang o re tlhaho ya ka e tshwana le ya hae.”

²¹⁴ A re, “Oh, ho hotle! Ke seo ke batlang ho se tseba.” Ho re, “Ha ke bona wena, ke bona ntate wa ka.”

²¹⁵ Ke eo he. Ha e—e lefatshe le bona Jesu Kreste, e tla be e le ka ho wena, mohla Lentswe lena le ngoletsweng letsatsi la kajeno.

²¹⁶ Jesu le mmona kae ka ho Davida? Mohla Lentswe le ne le bonahatswa ka yena.

²¹⁷ Kreste le mmona jwang, Modimo ka ho Elia, ka hara koloi eo e tlohang e kena Lehodimong, na le bona Jesu ka ho Elia? Hobane, Lentswe le ne le netefaditswe.

²¹⁸ Ebe le Le bona jwang ka ho Moshe? Jesu o ne a le ka ho Moshe. Bibebe e itsalo. Wa bona, ke hantle, E ne e le sehlahlha se tukang se neng se ena le Moshe lefeelleng.

²¹⁹ Batho ba tla Jesu Kreste jwang? Ha bona, yena, ba Mmona ka ho wena, ha ba bona Jesu ka ho wena. Hoba, O itse, “Mesebetsi eo Ke e etsang le lona le tla e etsa. Le tla etsa le e fetang ena ka boholo, hobane Ke ya ho Ntate wa Ka.” Na e lokile? [Phutheho e re, “Amen.”—Mong.] Ke ka moo bona, lefatshe le tsebang kateng.

²²⁰ E seng kahobane Pentekosta ya Bonngwe e feta Pentekosta ya Bobedi ka boholo, kapa kahobane Bobedi bo feta Boraro ka boholo, leha e le ntho efe eo le nang le yona; ha se kahobane Methodise e feta Baptise ka boholo; kapa hobane monongwaha

Baptise ya Borwa e hapile kgau hara tsohle tsa—hara dikereke tsohle tsa Baptise, Maprotestanta wohle. Monongwaha ba ekeditse maloko ho feta tse ding tsohle, ka moo ke utlwisisang, ka bongata. Hoo ha ho ba etse ba fapaneng. Modimo ha o le tsebe ka dipalo. Bahetene ba le feta ka palo, nako le nako. Makatolike a le hlola kaofela ha lona. Bomohammeda ba di tshwere kaofela. Wa bona?

²²¹ O tsejwa ha Jesu Kreste a phela ka ho wena, ka Bophelo ba Hae, mme Lentswe la tshepiso ya letsatsi lena le Ikgadimisa. Wa bona?

²²² Jwale lona Lentswe le hadimisitsweng ka ho Moshe le ne le ke ke la hadimiswa ka ho Elia, hobane e ne e le letsatsi le leng. Le hadimisitsweng ka ho Nowe le ke ke la kgonka ka ho Moshe, hoba, wa bona, Nowe o hahile areka, Moshe a etella batho pele, hantle ho latela tshepiso. Lesedi le neng le hadimiswe ka ho e mong, le ne le sa etse jwalo ka ho e mong, empa le leng le buile ka le leng.

²²³ Testamente e Ntjha yohle e bua ka hora ena. Jesu Kreste o bua ka hora ena. Ka hona, ke mang, monna ya itseng? Ke Jesu Kreste, Mora Modimo, ya bonahatsang, a hadimisa Lesedi hodima Lentswe leo A le tshepisitseng letsatsi lena.

²²⁴ Ha batho ba o bona o phela jwaleka Yena, ha a bona semelo sa hao le boitshwaro ba hao ka Lentswe bo tshwana le ka moo Yena a entseng, Lentswe le bonahatswa, ke moo motho a tla bona Jesu Kreste. Ba ke ke ba tlameha ho qamaka nqa e sele, ho re, “Ebe tumelwana *ee* e ruta’ng, ebe tumelwana *eo* e ruta’ng?” Ba tla tseba seo Modimo a leng sona ha ba bona wena.

²²⁵ Shalom, kgotso ya Modimo e bonese Lesedi hodima hao! Mme ha Lentswe la Modimo le netefaditswe mongwaheng wona, ka botlalo, mme o Le bona mme o Le dumela, shalom ho wena!

²²⁶ Tobana le selemo se setjha ka sena, aka Mo bee jwaloka ha Davida a boletse, “Ke tla Mo bea ka pela ka kamehla. Hobane O ka letsohong la ka le letona, nke ke ka sisinyeha.” Ha o tobana le lefu selemong sena, le etsa phapang efe? Modimo o tshepisitshe ho o tsosa. Ha kotsi e o bolaya, e etsa phapang efe? O na le Bophelo Bosafeleng, “Ke tla mo tsosa matsatsing a bofelo.” Amen. Ho ka thweng ha ntho e nngwe e etsahala? Ho sa tsottelehe seo e leng sona, ha ho letho le ka re arohanyang le lerato la Modimo, le leng ka ho Kreste. “Tlala, tshotleho, bofuma, e ka bang eng, ha ho letho le ka re arohanyang le lerato la Modimo, le leng ka ho Kreste.” Mme Yena ke Lentswe. Shalom!

²²⁷ Ha re inamiseng dihlooho tsa rona. Jwale e mong le e mong a dule a inamisitse hlooho ya hae nakwana. Kgotsya ya Modimo!

²²⁸ “Ho tswakana . . .” [Sekgeo lebanteng—Mong.] “Jwaloka matsatsing a Nowe, ba ne ba e ja, ba enwa, ba nyala, ba nyadisa,” Reno, Nevada, le lefatshe lohle la bootswa, “ho tla ba jwalo ho tleng ha Mora motho.”

²²⁹ “Jwaloka ha ho bile Sodoma,” moo Modimo a na a hlahe ka Boleng ba motho eo Abrahama a mo bitsitseng Elohim, Rabokgoni-bohle; ho ema mono, ho ja nama, ho nwa lebese, le bohobe; mme o kgonne ho bolela seo Sarah a se nahanneng ka mora hae, ka mora Hae, ka tenteng. O itse, “Taba eo e tla iphetha ho tleng ha Mora motho.” “Ho se ho se hokae, mme lefatshe ha le sa tla Mpona; empa lona le tla Mpona, hoba Ke tla ba le lona, le ka ho lona, ho isa bofelong ba lefatshe.”

²³⁰ Bajuda ba kgutlela lefatsheng la bona. Dintho tse etsahalang, moo ke letsatsing lena, di ka nthibela ho qala ho le bolella se etsahalang, empa re a e bona. Ke eng? Lentswe le bonahaditsweng.

²³¹ Le nahana Baheberu ba entseng mohla ba bonang Lentswe le bonahatswa, ka tshepiso? Ba itokisetsa ho falla naheng.

²³² Haeba o sa itokisa kajeno, motswalle, ako qale selemo se setjha sena hantle, qala ka ho kenya letsoho la hao letsohong la Modimo, Lentswe la Modimo le le ka pelong ya hao, ho re, “Morena Jesu, ha ke tsebe O batla ke bapale karolo efe ya Simfoni ena, empa etlere ha makeno ao a fihla mme ke hloriswa, ho tshehuwa, ho songwa, ke tla ema madulong a ka hore ke se lobokanye Simfoni ya Hao. Ke tla ema le Lentswe la Hao ka nepo, ho sa tsotellehe hore Lona ke’ng. Ke tla ema hona mono. Mme mohla lefu le nyolohang le kokota monyako wa ka, eo ke karolo ya Simfoni. Ke tla tseba he, hore, ruri jwaloka ha lefu le nyoloha le kokota monyako wa ka, tsoho e tla nyoloha e kokote ka le leng la matsatsi ana, le yona, mme O tla boela o ntsosa. Ke le karolo ya Simfoni ya Hao. Morena, nketse karolo kajeno, O tla e etsa na?”

²³³ Ba bakae ba ratang ho etsa kano eo, le ho re, “Ho qala selemong se setjha sena, Moena Branham, ho qala ka kopano ena, hona jwale, nna jwale ke tshepisa Modimo, ho ema sebakeng sa ka, ke sa hholehe ho ema le Lentswe la Hae la tshepiso, le ho phela hantle ka moo A e tshepisitseng, ka mosa le ka boikokobetso; hore Modimo a tle a nke bophelo ba ka mme a bo kenye Simfoning ya Hae e kgolo, O tla tsosa sehlopha sona seo matsatsing a qetelo. Ke tlilo phahamisa letsoho la ka, Moena Branham, e seng ho wena, empa ho Modimo. Ako nkgopole thapeleng”? Modimo a le hlohonolofatse, hohle. Morena a le hlohonolofatse. Matsoho a ka a le wona, a phahame.

²³⁴ Morena, nkuke. Morena Modimo, o se ntumelle ho tshetleha kelello ya ka, jwaloka Judase, hodima phaello ya dolara, hodima feshene e itseng ya lefatshe, kapa motho ya

o phathatsang mokokotlong, le ho re, "Oh, Moena Branham, hona ke . . ." Tjhe, tjhe. Modimo, o se ntumelle ho hlachelwa ke se jwalo. Ke tla ikgethela ho tsamaya tseleng ya ba mmalwa ba Morena. Ke tla ba moena mothong e mong, ho etsa sohle seo nka se kgonang, Morena, ho rata batho ka pelo ya ka yohle. Empa, Morena, se ntumelle ho sutha Lentsweng lena. Ke batla ho tsoha letsatsing la bofelo. Mme ke ba noketsweng Simfoning e kgolo ena feela, Morena, ka moo ke lekileng ho e hhalosa thapama ena, ke yena ya tla hlahla qetellong ya lona—ya lona leqephe la mmino, mohla tsoho e kgolo, mme Mangeloi ohle a opa diatla tsa wona mme bahalaledi ba hwanta ba kena ka hare. Ke bao ba bapetseng karolo eo ya terama e kgolo ena eo re e tshwantshisang, ho rapela, Morena.

²³⁵ Re a tseba ka hara terama ba fetola dimaseke, ba tloha nthong ho ya ho e nngwe, mme ke seo O se entseng. O tlohile ho Moya, Modimo, Jehova e Moholo, mme wa apara maseke wa motho, ho fetola tshobotsi ya Hao—ya Hao—ya Hao; Wa fetoha. O ile wa hloma tente ya Hao. O tlohile ho Modimo, mme wa fetoha monna, hore O tle o shwele ho lopolla motho. O ile wa fetola maseke wa Hao.

²³⁶ Yaba O boela o fetola, mme Wa Ikapesa maseke wa ba ka hara batho ba neng ba tla dumela mme ba hata ho latela Lentswe leo O le ngotseng mona. Ho lehlohonolo mahlo a Le bonang, ho lehlohonolo dipelo tse Le amohelang, ho lehlohonolo ditsebe tse Le utlwang, hoba mohla Simfoni e felang ho tla fihla tsoho. Modimo, bohle re ke re be moo, na O tla etsa jwalo? Hlohonolofatsa sehlotschwana sena.

²³⁷ Re sa bua tjena, Ntate, re a tseba lebanta lena le ya ka lefatshe lohle. Mme mona ho fumanwa, ho dutse sehlotsswana se setle mona kajeno, mokgupi o bonwang wona mona Phoenix. Oho Modimo, dilemo tse leshome le metso e mehlano tsa therò e boima le ho omana, mme, Modimo, Wena o tseba lebaka, lerato! Lerato le—le a laya. Lerato ke—ke kgalemelo. Lerato le kenya motho tseleng.

²³⁸ Oho Modimo, ha nke ke itahlele mmoho le batho bana vekeng ena, mme O ke o re kenyé tseleng, Morena, Lentsweng la Hao. Re ke re bone matla a Hao a tsosa bakudi le ba mahlomoleng, mahlo a difofu a tutubolohe, Moya o Halalelang o moholo o kene o bonahala ka phaposing. Moreri e mong le e mong le kereke ka nngwe e ke e tuke. Seboka se latelang sa borakgwebo, Morena, pelo ya rakgwebo ka mong, motseng wona, e ke e tukele Modimo. Fana ka sena, Morena. Ha re tsebe seo re ka se etsang ka yona, haese ho kopa le ho dumela hore e tla etswa. Re inehela ho Wena, ka Jesu Kreste, Morena wa rona.

Mme jwale ha re emeng ka maoto a rona.

²³⁹ Ke motho ya molomo o boima, ke qapodisa mantswe a ka ka phoso, mme ke batla ho bua sena kahobane ke utlwa

ke hatellwa ho e etsa. Ba ka phahamisang letsoho la bona ba bakae ka mona, le re le utlwisisitse seo ke neng ke se lekanya ka “Simfoni ya Modimo”? Phahamisa letsoho la hao. Ke a leboha. Ho hotle. Le a e dumela na? [Phutheho e re, “Amen.”—Mong.]

²⁴⁰ Ka hona, ke Simfoni, wa bona. Le ye le E fumane e fihla makopanelong, mang le mang o a ipotsa. Ke e bitsa makopanelo. Ha ke tsebe mmino; ha setsebi sa mmino se le teng ka mona, kgele, o tla—o tla nkinela matsoho metsing ka mokgwa wa ka o kgohlahetseng. Empa, ke wona, ba a tiletsa, papadi e tlameha ho tshwantsha ntho e nngwe. E ye e kokobele haholo, tlase—tlase, ebe o a ipotsa hobaneng E etsa jwalo; empa, wa bona, ha o ka kena morethetsong wa Yona, o a E utlwisia. Ke wona mokgwa oo o tla utlwisia Modimo le ka mohla, ka ho kena morethethong wa Lona.

²⁴¹ “Ke Eng? Ke tla kgona jwang? Moena Branham, ke Momethodise wa makoma, Mobaptise, kapa Mopentekosta.” Hase morethetho oo.

²⁴² Morethetho ke Modimo. Modimo ke Lentswe. Lentswe ke Modimo. Morethetho wa Modimo, ke ho utlwa Lentswe la Hae. Ka hona ha o utlwa Lentswe, le Yena o boela a o letsetsa morethetho, ebe moo o kenang sebakeng sa hao. Nako efe feela ha E theohela tlase, tlase, tlase, hodimo, seo E ka bang sona, o tseba makopanelo ao.

Ka dinako tse ding o re, “Oh, ke dihlooho tse opang le diteko!”

²⁴³ Na Modimo ha o a re, “Tsohle di sebeletsa molemong wa ba Mo ratang, ka nako ha Ke ntse ke tiletsa Simfoni ya Ka”? Mme o ntano iphumana o le mahlomoleng mme o katlehile, mme o a tlatlapuwa, ho songwa. Hopola, ke karolo e yang nqa eo. Ha E sa etse jwalo, Simfoni e tswile tjhunung.

²⁴⁴ Moqapi e moholo eo o tseba se ka hara yona hantle. O a tseba. O le tsebile, ho tloha tshimolohong. A ngola lebitso la hao Bukeng ya Bophelo ya Konyana, le pele lefatshe le thewa. Na le dumela seo? [Phutheho e re, “Amen.”—Mong.] Ke Yena ya tsebang seo u tlamehang ho se etsa. Ho sa tsotelle e kokobela hakae, le ka moo e kang e fifetse, e tlamehile jwalo.

²⁴⁵ Empa, hopola, leha e kodumela kwana meriting ya lefu, “Ke nna tsoho le Bophelo; Ke tla boela ke mo tsosa.” Mme mohla Molaodi e moholo a theohang mme a diha molangwana oo, jwale he, “nako ha e sa tla ba teng.” Mohla Lengeloi leo, la Tshenolo kgaolo ya 10, le hatang ka leoto le leng hodima lefatshe le ka le leng hodima lewatle, mme le rwetse mookodi hloohong ya Lona, Le a hlapanya, “nako

ha e sa tla ba teng.” Mohla nako eo e fihlang, o tla tsoha hara ba shweleng. Ha ba bang ba ntse ba robetse mono, o tla kena ka hare.

²⁴⁶ Dula Simfoning. Dula Lentsweng la Modimo. Ho sa tsottelehe ka moo ho leng thata, dula le Lona hantle, hohle moo Modimo a letsang teng.

²⁴⁷ Ka dinako tse ding O hlahisa mathata ho khaola ditlamo, ho o lokolla. O etsa jwalo. O re, “Be, ha ke tsebe ke etse’ng.” Yena o etsa jwalo. Phapang ke efe? O mpa feela—o mpa feela o bapala karolo eo. Ke Yena Ya o kentseng letsohong la Hae. O a o tataisa.

²⁴⁸ Hopolang, sohle se etswa ka pontsho. Re bona nako eo re phelang ho yona, ka pontsho eo re phelang ho yona, ka baka leo re tseba seo Simfoni e se etsang kajeno. Ke nako ya karohano, ho arola Lesedi ho lefifi.

²⁴⁹ Ha re e bueng mmoho, le tle se ke la e lebala, hobane ke ikutlwa ho bua sena. [Moena Brantham le phutheho ba bua ba le ntsweleng—Mong.]: “Ke ho arola Lesedi ho lefifi.” Ha re e bueng hape. “Ke ho arola Lesedi ho lefifi.”

²⁵⁰ Ke Simfoni ya Modimo eo. O e supa mahodimong. O e supa ditlapantshong. O e supa ka yena ka Sebele. O e tshepisitse Lentsweng. Re e bona e netefaditswe. O kgetha koro mookong. O arola Lesedi ho lefifi.

²⁵¹ Le a Mo dumela na, ka pelo yohle ya lona? [Phutheho e re, “Amen.”—Mong.] Ha re bineng sefela sa rona se monate, he.

²⁵² Mme ke batla ho bua lentswe ho badisa, motsotsa feela. Baena, Morena a le hlohonolofatse. Ke le leboha haholo ho qhalanya diphutheho tsa lona ho ba tlisa kwano. Ho lona badisa ba kantle ka mono, ke hlile ke a le leboha. Ke mpa ke le mona feela . . .

²⁵³ Ha nke ke bue tjena, baena, ho ka ba le Mamethodise, Mabaptise, Presbeteriene. Le a utlwa, ke bua le lona jwaloka ha ke buile le Mapentekosta? Ka ho tshwana, wa bona. Ha se . . .

²⁵⁴ Ha ke sa kgone ho dumellana le monna, ka bohale, mme ke ntse ke mo rata . . . Hobane, ha ke hanana le yena, e le feela ho hanana, ke moikaketsi; ha ke a tshwanelo ho ema hodimo mona. Empa haeba ke hanane le yena ka boena le ka lerato le kutlwisiso, ho sa tsottelehe seo a se etsang, e sa ntse e le moena wa ka ya kgabane. Ke ema le yena. E, ehlile bo. Ke hantle haholo. Ha taba eo e le siyo ka pelong ya ka, Modimo ako ntlose sefaleng sena, ha ke a tshwanelo ho ba mona. Ke hantle. Ke e bua ka baka la lerato, le ntho eo ke e bonang e tla. Mme ha A eso ntumelle ho e fosa, ho fihla mona, hoba esale e le Lentswe la Hae. Ka baka leo, Modimo a le hlohonolofatse.

²⁵⁵ Jwale ha re inamiseng dihlooho tsa rona nakwana feela, mme re bine sefela se monate sena sa kgale, seo re tlwaetseng ho se bina, "Ke a Mo rata, ke a Mo rata." Ha seletsi sa piano, leha e ka ba mang, kapa bao ba tshwaraneng le mmino, ba ka re etella pele ka lehlaso la yona, ke a kgolwa. E, ho lokile, ha re boneng na re ka e bina kantle ho mmino na. E mong le e mong mmoho jwale, dihlooho tsa rona di ntse di inamisitswe.

Ke a Mo rata, ke a Mo rata
Hoba A nthatile pele
Le ho lefella pholohoh ya ka
Fateng sa Kalvari.

²⁵⁶ Ke kgolwa jwale ba emisitse diteipi. Wa bona, teipi ena e ya hohle nqa... 

SHALOM SST64-0119
(Shalom)

Molaetsa wona, ka Moena William Marrion Branham, o rerilwe sethatong ka Senyesemane mantsiboya a Sontaha, Pherekong 19, 1964, Ramada Inn, Phoenix, Arizona, U.S.A., o ntshitswe kgatisong ya teipi ya makenete mme o ngotswe o sa kgaolwa ka Senyesemane. Petolelo ena ya Sesotho sa Borwa e ngotswe mme e abjwa ke ba Voice Of God Recordings.

SOUTH SOTHO

©2015 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
58 DISA ROAD, ADMIRAL'S PARK, GORDON'S BAY 7140 WESTERN CAPE
REPUBLIC OF SOUTH AFRICA

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Temoso Ea Tokelo Ea Qopitso

Litokelo tsohle li babaletsoe. Buka ena e ka porintoa ka porintara ea lelapa molemong oa motho eo kapa ea abjoa, ntle ho tefiso, e le thepa e jalang Evangeli ea Jesu Kreste. Buka ena e ke ke ea rekisoa, ea boela ea hilahisoa ka bongata, ea manehoa leboteng la website, ea bolokoa ka tsela eo e ka boelang ea ntšoa, ea fetoleloa ka lipuo lisele, kapa ea sebelisoa ho qela matlole ntle le tumello e ngotsoeng ea Voice Of God Recordings®.

Ho fuoa boitsebiso bo bong kapa bakeng sa thepa e nngoe e ka fumanoang, ka kopo ikopanye le:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org